

廣平府志

ル 5
1572
11



八三九五
1872
11



重修廣平府志卷二十九

學校略上

府文廟在府治東南中為大成殿七楹東西廡各三十
 二楹前戟門泮池又前櫺星門左右二坊舊志金時建元
 末廢明洪武四年知府吳文修重建後同知王庸修葺
 永樂間知府楊浩成化間知府熊懷宏治間知府盧瑀
 均修正德五年知府張潛十年知府華津各增修嘉靖
 十年知府李騰霄恢拓之萬厯間知府蔣以忠陳簡劉
 芳譽焦源清推官張鳳翔先後補葺崇禎間知府程世
 昌復修

重修廣平府志

卷二十九 學校略上

一

國朝順治間知府許文秀許榮昌康熙間知府王愷人乾

隆九年知府吳穀相繼修葺通志三十二年知府單

煊道光十年知府額爾經額光緒三年知府長啟各重

修並添設樂舞二十年知府吳中彥倡捐復修採訪冊

越記略廣平府舊有學在郡治巽隅蓋完顏金所創元
未燬於兵火國朝洪武辛亥始詔重建正統丙寅一修
之自丙寅迄今又幾五十年矣其間修葺補廢恆見於
有司而因陋就簡率莫有能為之改作者宏治庚戌四
明廬侯來典郡明年辛亥視民有餘力帑有餘積乃鳩
材庀工次第新之首改作明倫堂四齋又次二門若大
成殿兩廡之撓而欲折者頽而欲圯者蝕泐剝落而弗
稱瞻視者一復其故而堅緻華彩過之崇文閣舊在西
廡後則移於大成殿北下至師生解舍廩庫庖湏之所
咸備罔缺經始於是年之三月落成於壬子之八月學
及於魯僖之修泮亦以其為王政首務而不可以他興

作目之也然則謂侯為今之良有司殆非過矣侯名瑀
字希玉成化乙丑進士自刑科給事中進工科都給事
中出判長沙府歷真定同知至今官宜其能云李東
陽記略廣平府學建於元至正二年入我國朝屢壞屢
葺比益加圯正德庚午春張君潛來知府事鳩工聚徒
庀材物備廩餼而後從事閱月而廟成為大成殿七楹
高五丈七尺廣九丈八尺規制甚偉門廡略稱又閱月
而學成為明倫堂為齋為解舍皆因舊為新而增
置講堂射圃及庖湏之類無弗備者余聞而嘉之或謂
畿甸之地方有事兵革此非急務抑不知古人雖在軍
旅不忘俎豆矧其事既上京師請紀成績顯通字學手
斬而不為哉通判宋灝上京師請紀成績顯通字學手
自書刻樹於學宮以俟後之君子石瑀記略廣平為
京畿南郡在大河之北太守華君濟之為政三年時和
刑清黎民大安乃毅然以太守復教化為己任於是鑿泮
池於戟門之南深若干尺廣若干丈有奇為橋者三以
跨之繚以欄楯用石於是民始知先王學宮之制既乃
命師徒樹檜柏百餘株於門之兩旁疏數有度衡縮有
列又取鄉之先哲及四方之宦於其地而有功德者建
二祠於學震隅設木主表官氏志爵里春秋以時祭之

凡所舉措士庶胥悅復諦視宮中壞者甃之塗者聖之
 傾者起之可辟者辟可塞者塞於是藏書之樓講藝之
 所廩府翼舍神庖射圃莫不煥然增新蓋經始於正德
 十年至次年落成財不箕斂民不病時大役告成而民
 不知也通府宋君孟清乃以書來屬予記之
 略嘉靖辛卯戶部郎李君子翀以才名擢守廣平下車
 三日周覽廟學圯陋湫隘弗稱祭教遂躬率僚吏卜以
 嘉靖壬辰孟夏經始事鳩工簡材分務擇任又日親往
 省或一木一石一釐不攻以良必易之越七月孟冬訖
 工士民樂成德侯不忘以圖來請記余合圖覈郡志所
 載先後踵作今增拓且數倍君子曰可以祭可以教可
 以學矣侯多善政茲特其大者不忘不朽奚在餘言在
 若師士敦率教化以成其功德焉耳
 平張公甫弱冠筮仕為廣平李官癸卯冬太守以計略博
 公攝事首謁大成殿見傾頽剝落之狀召匠計費鳩工
 經始三閱月而厥工成孺星門外兩坊增以夾石坊四
 周繚以木柵明倫堂則文以五彩其他結構嚴密基址
 磐固雖竹苞松茂不啻矣嗟乎今之攝符者視之若寄
 才一切政事第沿襲以俟主者即口未嘗不言興學言育
 才究之不為名高則為厚利矧望其剔巨蠹按巨猾甘

以其身為怨府哉公代庖郡事於所興革者不難殫力
 為之又以餘閒校藝兩學作新多士又創立社學聚郡
 鄉之子弟於其中歲給米十石是又曠古而僅見者也
 何如龍記略廣平畿內之望國也其守為予辛未所
 取士程君世昌其治視文翁之於蜀入其國而學宮為
 之一新於戲古之言學者推北方為周公仲尼之道所
 先被也顧才之達必以學才非學不達學亦非才不達
 我國家之取精用物於學宮者且三百年其宏願深心
 皆得藉程君為發明是在遊是學者是役也始歲丁
 丑其直三千金請於臺得預支十年之需當在廟者才
 十之一有奇其餘則取諸世焉凡程君之論功必歸於
 眾而眾曰斷而行之惟侯獨耳嗟乎天下之事豈不盡
 然哉國朝方觀承記略廣平府儒學規制宏敞於
 畿南稱最比年風雨摧剝垣壞而棟撓所不免矣今郡
 守高密單君莅任之始祇謁黌宮即慨然於鼎新之舉
 自乾隆丙戌庀材鳩工至明年丁亥而工竣凡殿庭樓
 閣內廡外祠重門列舍繚以百堵煥然一新爰核其竟
 廣丈尺之數繕劄繪圖請為之記余喜單君大有造於
 廣平也於是乎書額爾經額記略廣郡文廟自乾隆
 丁亥重修歷今六十餘年茅茨盈階棟摧瓦解整葺之

舉誠不可緩特以規制宏大需費孔多時進承年馬令
 府學訓導熟籌之適承年舉貢生監等以情願捐助請
 於余遂借馬令捐廉為之倡從而和者郡屬丞倅州縣
 教佐紳士亦俱欣然樂輸用乃給於是鳩工庀材專委
 府學周訓導綜理工程并選紳士中醇謹老成者分董
 厥事歲庚寅正月諏吉興工僅十閱月而頽者起舊者
 新丹碧交施炳然煥然崇道尊師謂非蔚起人文於斯
 為盛也歟是舉也工費萬金落成匪易典守者固宜捐
 廉率先而眾紳士之董工者不辭勞瘁捐資者踴躍輸
 將猶屬慕義向風共襄盛舉余深嘉許焉長啟記略
 咸豐丙辰余來權斯郡仰觀殿廡恢闔宮牆巍峻舊制
 之美備已無復加惟是風雨漂搖雀鼠穿啄費朱壁堊
 強半彫殘垣棟亦漸就頽朽詢悉自道光庚寅歲前守
 額公重葺又近三十年倘不從而新之何以肅觀瞻而
 崇秩祀且無以繼額公之美政亦後來者之羞也乃甫
 議經營會受代解任缺然於余心者有年逮同治己巳
 復典斯郡時早魁為災籌款非易遲之又久至癸酉冬
 始率府學教授王玉相訓導高海風暨十州縣牧令倡
 捐興修而各州縣或因公事旁午不遑兼顧或勸捐有
 數而鳩集需時自甲戌八月至光緒丙子八月凡數作

而數較甚哉財力之難也丁丑春復飭高訓導借十屬
 官紳等酌捐矜戶荆為集腋之舉自三月迄十月缺者
 補之汗者華之蓋靡不堅固崇麗煥然改觀矣是役也
 共用制錢五千七百五十餘緡始終成厥事者則訓導
 高海風歲貢高甲職員焦清吉之力居多余因竣工之
 難且嘉三君子之有功學校爰書之以記顛末吳中
 彥記略府學自光緒初年重修後未及十稔而西面圍
 垣百六十餘丈坍塌者十之七八兩廡及明倫堂棟宇
 間有損壞臺砌率多糟碎殿庭金碧亦黝然無色矣使
 聽其彫殘匪惟無以肅明禋而重道尊師其謂之何甲
 午冬郡志告成提用餘款五百金復捐廉金五十兩並
 令府學暨各屬儒官籌捐以補其不足而郡中紳富之
 好義者亦各量力捐輸得千金有奇詎吉與修五閱月
 工畢向之殘缺頽敗者咸與維新焉因述其顛末以誌
 者來

崇聖祠在大成殿左舊志

名宦祠在戟門左明正德十年知府華津建畿輔通志

國朝雍正九年知府李梅賓重建舊志

鄉賢祠在戟門右明正德間知府華津建通志畿輔

國朝雍正九年知府李梅賓重建舊志

明倫堂在大成殿右堂前左右四齋今止齋前儀門又

前大門舊志明正德五年知府張潛建通志畿輔

敬一亭在大成殿後中刻明世宗敬一箴雍正十三年

知府周夢錦重修同上

尊經閣在敬一亭後即書樓舊址建乾隆三年署府事

饒佺重修閣前有號舍三十八楹今廢同上

射圃亭在崇聖祠後明正德間知府張潛建今廢舊志

觀德亭在崇聖祠後今廢同上

教授宅在明倫堂後舊與訓導宅並在尊經閣後久廢

康熙間教授韓雄允邊士暹改建同上同治十二年教授

王玉相重修學冊

訓導宅在明倫堂左同治十二年訓導高海風重修學冊

學額科歲試各取文童二十三名歲試取武童二十名

廩膳生四十名增廣生四十名一年一貢學冊

清暉書院在城外東北隅即舊荷花館明萬厯間知府

蔣以忠建知府劉芳譽拓增之有宛在亭香遠堂漪樓

崇禎間知府歐陽主生改漪樓為蘭若

國朝康熙八年圯於水十一年知府劉光榮何玉如知縣

朱世緯重建五十五年知府王嗣衍修葺因創學於堂

之西偏額曰蓮花書院雍正九年知府李梅賓重修乾

隆六年知府任宏業復修改今名八年知府吳穀建東

西齋舍

畿輔通志

嘉慶三年知府徐煥重修併籌捐經費

十屬向有供太守公費銀歲八百兩捐入書院仍責按季解府作為延師課士等費山長束脩銀三百二十兩月三課課取生員超等五名特等十名童生上取五名中取十名膏火二十一兩每月由監院教官具領交值年學長易

咸豐八年知府史策先將護城河歸入書院

九年知府王啟曾挑濬濠池大興魚藕之利以每年所收租價為書院歲修義學各費

緒二十年每每年租京錢一千二百串作為書院歲修等費義學六處歲給束脩京錢五百二十名光緒十一年添設鄉會試前三箇月山長加課生員額取十名月共獎京錢七千河共獎京錢十五千舉人額取三名月共獎京錢七千河役工食取給於此書院舊有地一頃十五畝零同治七年九年間經郡紳武汝清由生息餘款添購葦地五十畝零歲收租京錢三百餘千作為書院經費章程十條一每年二月十月放水如天旱水涸不拘月令由府工房行文磁州邯鄲縣提開一書院河務每年公議二人值年每季公議二人查管職名開送府縣登記如辦理不公月行保舉不許歸一人經管一城濠長闊冊四本存府工房禮房縣工房書院各一分地畝冊二本存府禮房書院各一分以備稽查一河內魚藕河岸樹株及城根道路橋梁每年雇館役四名輪流看守不許連年接管如有偷取盜伐損壞者送官究治館役有作弊情事隨時更換一河岸樹株四門外橋梁責成四關地方看管如有偷伐損壞者地方稟官究治如地方看守不嚴紳董將地方送官重究一水利歸書院六分添修房屋器具資助薪水歸隄工四分作為歲修一四城門外各立石碣一塊城根護岸永遠不推行車河

岸永遠不准開墾嚴禁盜伐樹株偷取魚藕一嚴禁木
牌入河取魚違者送官究治仍將木牌入官一嚴禁火
鎗打取水禽違者送官究治仍將火鎗入官一分
每年由府出示嚴禁實貼書院四城門各一分
同治三

年大順廣道祝公塏捐助經費銀一千六百兩添設舉

人課增加生童膏獎鄉會津貼舉人超等二名每名銀一兩八錢特等三名每名銀一兩二錢原額生貢超等每名銀九錢增銀六錢

加又超等十名每名銀一兩又特等五名每名銀五錢

加童生又中取五名每名銀四錢鄉試津貼決科考列

前七十五名每名銀一兩會試津貼銀二十五兩與課

者均分歷年盈餘現共銀二千五百兩知府楊毓柟郡

人武汝清籌款一律重修六年復建院西朱衣樓光緒

十七年知府吳中彥籌捐經費添設舉貢生童詩賦課
籌捐京錢一千一百千由生息餘利提京錢九百千發
商生息月取舉貢生監十名童生五名共獎京錢二十

千一十八年籌捐鄉試津貼知府捐銀五百兩永年知縣
余效衡捐銀二百兩永年紳

士捐銀三百兩發商生息歸值年紳士經理三年得息

銀三百六十兩為府學永年縣縣學生貢等賓興費遇

有恩利二十年增添生員膏火特等原額每名六錢
加增二錢又特等原

額五名加增五名書院冊 王嗣衍記略廣平郡城

者澤環護明蔣守曾於城東北隅建立荷花館以為憩

息之所辛卯初余以銓曹出典茲郡越明年政有餘閒

尋荷花館舊迹而館已蕩然無存者惟省耕堂一

樓一亭亦皆傾圮殆盡因率僚屬各捐俸金舉昔之省
耕堂補葺而聿新之若亭若堂若樓亦次第修舉顏其
亭曰吸芳顏其堂如舊每公餘暇輒進我農人而獎導
之又念教與養相需武安為人文淵藪高明者或縱情
奔放沈潛者或致泥拘牽因其性之所近陶汰痼儒以
矯其偏余敢謝未遑哉爰於省耕堂之西新建書院一
所堂廡書舍煥然具備閱月告成自是課耕有地講學
有所余得優游以觀豐亨之慶而觀風俗之成焉後之
賢者倘能同吾志而擴充之以長留此教養斯民之意
於勿替余日望之 徐煊記略廣平府清暉書院舊名

重修廣平府志 卷二十九 學校略上

荷華館自明神宗始建 國朝康熙五十五年為荷花書院乾隆六年改名清暉取謝靈運山水含清暉句也其地在郡郭外良隅三面臨水東西隄夾繞之可栽桃柳數百本春秋佳日覽眺其間有似我鄉西湖之勝乾隆五十九年洛河漲溢基構傾頽余以嘉慶二年六月莅郡每出郭循覽輒圖興復而力未暇至三年秋鳩十屬起修四年夏竣事雖於舊制未有增益而門堂樓閣井區庖廚以次釐舉講經有齋肄業有舍規制聿新蓋郡濠至是匯為浸澤最稱秀區遂令遍栽荷花而蓮亭最足傲遊目曠如奧如咸在指顧登亭而望雉堞列西兩隅若屏障然西則聰紫諸山隱隱見螺髻由南迤東皆平遠蒼茫林木蔚蔽葭蕭疏因念諸生以時絃誦其中兼有山水仁智之樂而余以政事暇竭來遊憩覺清氣拂拂眉宇間信足娛耳抑余聞之十年樹木百年樹人是館之為書院也歷經前郡守創修迄今二百載使後之守斯土者繼余志而隨時補葺則樹人之澤永永無窮豈可以年數計哉爰敘顛末志歲月以誌來者出典是郡慨然欲興文教濬城濠徐既餘先生以名侍御名師後數年北平王荔園先生主講席一時英俊皆從

之遊文風蒸蒸漸有起色歲乙亥太守萊州張拙山先生下車之始他務未遑即延請錢塘鄭念橋先生主講閣郡諸生數百人前來請業郡城各巷有絃誦聲自是登賢書捷南宮者相繼步武仕宦雖未顯赫而甲第纍纍矣無如膏火無多而諸生殊少資藉前任太守棗陽史吟舟先生怒焉憂之將城濠水利歸入書院資助諸生薪水為多士永賴之利奈河池淤墊幾成廢地蓬萊王秋浦先生甫行莅任即為郡城除大患謂正人心在維風俗維風俗在作士氣然培植未深士氣何由作也目觀書院頽唐流覽河池於淺立議深濬濬河池以興水利為多士裨益於是遍商郡人皆以無項難之先生謂爾第興工我自籌項乃擇期覓夫挑挖民間不勞一役不費一錢未及四月而濠池十里功竟告成而來攻之黔黎趨事恐後反謂微太守興工吾儕安得數月飽食其以工代賑功尤鉅云今濠既浚深漸獲魚藕之利所有書院舊地一百二十餘畝被入侵蝕者仍斷入書院以資助薪水植之既厚則發之必光矣現又疏鑿閘口水可暢流兩岸遍植柳株內足以資捍衛外足以壯觀瞻此固郡人所夢想未及者也先生攝篆甫數月即為地方興數百年之利非學識素定其孰能之 吳中彥

學校略上

課士詩課士清暉院時光又不同煙籠楊柳綠日映藕花紅弟子多原憲先生有馬融相期勤學業無玷聖門中

秀洛書院在臨洛鎮

通志 畿輔

舊本義學乾隆初通判畢

宗高建後通判王裕銓清格相繼改為書院額今名四

十九年清格來守郡增修堂齋置田以作經費

吳莊有田五十

四畝八分每年租京錢七十二千本為

道光四年通判

錢日烜重修捐郡城東關外葦地歸書院知府李德立

倡率十屬助捐銀兩同治七年知府李朝儀因經費不

足勸諭十屬加捐

府署捐銀二十四兩永曲磁邯原捐

加八兩成威原十二兩各加十四兩肥鄉原十二兩二兩統歸府署催解由書院具領尹瓜睢屯四村每年

津貼京錢一百千向

重定章程申請立案

山長束脩銀一百兩薪水

交書院值年經管 四十五名膏獎十超等五百名特等五名童生上取五名

中取五名膏獎十超等五百名特等五名童生上取五名

三名特等三名膏獎無定額月兩課課給飯食京錢五

十文學書禮房差役工食各需由府署給發 書院冊

等公立嗣是王清二公後先繼美爰集眾議改為書院

顏曰秀洛較前制度宏敞肄業之士加盛焉惟是宅基

甫定未克周備而任此者屢遷不無圯廢迨甲辰歲清

公復來典守是郡路出臨洛士民伏謁請踵成前績公

鑒諸士之誠嘉庶民之義遂商之孔公竹圃合董其事

鳩工庀材不日落成凡講學之堂肄業之室無不備

煥然改觀矣予於乙巳夏始蒞茲士乃時奉公委南北

馳驅在署者歲無幾旬於諸公之善政毫無補助每用

為愧茲紳士因工久畢復置有學田欲勒諸貞石以垂

永遠請記於子何能述諸君之美以勵多士爰述厥

事以塞其請而捐輸姓氏則列於碑陰以誌一時之盛

秀洛創於前任王公裕銓成於前任清公格其時創始

維艱規模略具及今土木漸剝經費懸虛戊寅歲口烟攝篆初來即議重修為迫於瓜代心常缺然壬午春題補重來爰捐廉以踐前議並囑附關近鄉士民集腋成之經始於癸未三月落成於十月其經費所出僅有舊日捐置婁山等村地五十四畝零因商之同郡李司馬銘紳以東關外官葺地羨餘向備兩署辦公者會議詳郡尊移會永年捐入書院惟時李太尊德立復助捐俸銀二十四兩並議定磁州永年邯鄲曲周各捐俸銀十六兩肥鄉成交威縣各捐十二兩雞澤廣平清河各捐十兩按季解交遇閏加增仍歸入各任交代截日攤捐以為永遠章程會銜詳府由府移知俾資存查此皆重修書院增損之項而益以舊時地租庶經費較充事可垂久因其落成謹誌顛末並附書各士民修理捐費於右云 武澄清記略洛州秀洛書院僅有田數十畝前通守錢公倡捐郡城東河灘葦地並十屬捐廉為師生修金膏火之費而洛州文風於是蒸蒸日上矣後通缺裁汰分府署遷洛遂屬分府澄與胞弟酌堂前後主講十餘年李生士純李生蔚然郭生志瀛三孝廉皆院中課士也嗣因河朔地方不靖迭經逆匪竄擾日漸頽廢戊辰歲試時廩生李思周閣存仁孟憲春等具呈賀

大宗師請將秀洛書院改歸廣平府經理遂與清暉書院同為府書院藻舟李太尊因經費不能敷用勸諭十條規刊勒碑陰以垂永遠

義學一在西大街六公祠 東脩肥鄉縣地租京錢四十千本府捐廉銀十二兩一

在文昌閣光緒十九年知府吳中彥改為會文義塾 東脩

舊有地租改歸書院經理每年本府捐京錢九十六一千書院在文昌閣入款項下津貼京錢二十四千一

在東街官房同治六年永年知縣王德炳立光緒十九

年知府吳中彥重修額為經藝上塾一在南街舊義倉

南同治七年永年縣知縣錢敏捐立光緒十九年知府

吳中彥額為崇正義塾一在南街官房同治七年知府

長啟捐立光緒二十年知府吳中彥改移西關外關帝

重修廣平府志 卷二十九 學校略上

廟一在府學省牲所一在北甕城元帝廟一在東甕城
後移大佛寺東財神廟俱同治七年郡人武汝清立光
緒十九年知府吳中彥額曰敷文敦行思忠明信四塾

議定章程增加束脩

原由練局發東脩同治十二年改由書院河利項下十九年復各加

增詳章 詳請立案

童蒙起見須擇年力強健精神可以

貫注者不得以老病之人充數有名無實貽誤人家子弟一各塾學師須由本府留心察訪務得品學端正之士眾論僉同始行聘請議定每年冬至前數日書院值年官紳將各塾師姓名開單送府核定去留下帖關訂交值年紳士致送永以為例一每塾學生以十二人為率十二人中准有塾師親子弟姪一二人蓋以塾師寒士清苦者多就此席者轉不能自教其親屬亦非體郵之道然至多不得過三名一察課官或候補正印或現任教佐由本府隨時札派一書院義學共有六處一在東大街官房名為經藝上塾一在南門大街義倉間壁

官房名為崇正義塾其餘四處一在府學省牲所一在財神廟以文行忠信四字依次名之一各學開館用開印日解館用封印日以昭劃一不得逾違一各學收取學生須身家清白寒苦者方准入學不准徇情濫收私受脩金致紊定章一各學除年例放學之外歲科試為日無多約計若干日填明因事放學條由值年紳士轉交察課官處俾得有所稽考不致前往察課徒勞往返如遇有吉禮凶禮必須放學數日亦如之一鄉試為日較久必須請代庖者方准赴試以免學生曠誤一每逢令節准放學一日或有要事一日未能即了亦不得過三日各學不得違越一塾師脩脯現定經藝上塾每年京錢壹百貳拾千文其餘崇正及文行忠信四塾每年察課獎勵學生錢文由書院河利項下撥給此款無定期定數俟察課官將某學某月之榜送到即與榜一同送往眼同塾師張貼分給一督課準繩察課規條綱目釋義均須以稍大之字逐一書就糊之木板之上以油刷之發給各學令懸於各學牆上以便遵守如日久漫漶送府照繕重糊更換底稿存禮房一學生年歲佳址

廣平府志 卷二十九 學校略上

清冊每逢開館之日每學各發一張開館後逐一填明
 交存書院備查一稽曠簿每逢開館每學各發十二本
 於年終放館之日交還書院一因事放學條開館日每
 學各發五紙以便填注一逐月課程逐日課則單每月
 每學各發一分令塾師分晰填注於月底交還書院即
 將下月課程課則單領回均不得逾延示以爲例一
 察課簿每月課則單由書院值年紳士於每月初一
 日送交察課官處簿內各人先後次序年歲住址如二
 月內察課簿其年歲住址與名次前後則照各學交回
 年歲住址清冊以次填之餘月以此類推如有驅逐頂
 補之人則將驅逐者除之頂補者姓名須按年歲次序
 列入不得紊亂一督課準繩一諸生入學以督令讀書
 爲第一要義故逐月課程單中首列已讀現讀之書無
 論其所讀何書均須令其終日只讀十數句使之如法而後
 能如其法者不妨令其終日只讀十數句使之如法而後
 已其已握管作文者亦當限令朗誦四子書六經一二
 十頁俾玩索義理以端其本一書既讀矣不熟無益也
 背書之際須令不疾不徐背誦如流遇有強記以及遺
 忘者須嚴加責處務令能改而後已一書中義理全在
 講解今之獲一矜者人咸謂其讀書人其實書中義蘊

不知者尚多其弊由於不講如大學聖經一章已備修
 己治人之要詩可蔽以思無邪禮可括以毋不敬總要
 融會貫通故義學逐日課則中以講爲主各塾師務將
 年長者所講之書與年幼者所講之字逐日註明單內
 所講之書不在乎多如論語弟子入則孝等章尤爲切
 近易行之學不妨常爲講論俾聽者有所效法可立成
 德之基一制藝代聖賢立言初學作文即須告以此意
 俾知從事源頭發揮不致描頭畫角流爲庸陋惡習其
 督課之法每出一題必與講明章旨節數扇截於脈
 絡之所在即文家所謂理也題有單句數扇截於脈
 偏全總旨結穴過峽虛縮章節搭截種種不同告以此
 爲某類題須用某類作法違則不合即文家所謂法也
 理法既知使之歸坐深思如何命意如何布局越時叩
 之若層次不亂意緒親切者即可令捉筆成之並告以措
 詞須有書卷勿得鄙俚及其既成縱未能盡合規矩較
 茫無頭緒者必有可觀如此督課初爲甚難日久爲之
 實爲兩益蓋作者易於進步改者亦省費心力每期課
 作須於題下註明某月某日詩改者亦省費心力每期課
 熟讀唐詩次授以近人七家詩養雲山館等部使之熟
 記詩韻先調平仄切勿失粘再求對仗工整語句妥切

重修廣平府志

卷二十九

學校略上

十一

則得矣所有每課詩文題並須於課則單中記之以便
 察課時有所稽考一學中寫字自排做之蒙童起必須
 授以執筆之法切不可稍有減筆俗字致使其年長者尤當督
 令字字工楷不可稍有減筆俗字致使其年長者尤當督
 日每人所寫之字並須各予標判日期令其逐日自行
 藏好以便察課時有所稽考一學中寫字自排做之蒙童起必須
 一張查其稽曠簿中初五日並非未到便當從重責處
 一每學諸生必有年齒之稍長者開館之日當定學長
 一人學副一人設塾師遇有要事暫時離學便可責令
 董督以免曠功一諸生稽曠簿須令各懸於座近牆上
 不准塗抹遺失致亂定章一日不到當令同案讀書之
 人將其簿呈送案上於月上加一字日下書未到二字
 並須於其到日詢明不到因何事故如確係有事須於
 未到下續加因何事字樣遇有連日不到之人當使學
 生中居近者詢之其家如係逃學當俟到日嚴加責處
 一次設有再犯罰跪半日如再不改即行驅逐以候缺
 者頂補將稽曠簿交還重領一本給頂補者其被逐之
 徒名與頂補之徒年歲住址仍照舊開具清單交存值
 年紳董俾得將被逐者於察課簿內除名頂補之徒可
 考其年歲住址依次補列一每日讀生書之法其末句

務須將硃筆劃斷即於此行之上標明日期以便稽考
 生書一首務令讀至百遍始背此一百遍或分三日或
 分五日務令讀完背誦純熟庶幾脚地打得結實以後
 溫理亦易一學生入塾之始須令其親長帶領拜見塾
 師衣服總要整潔舉止更須謹飭每到塾時至聖位
 前一揖塾師前一揖放學時亦如之如有不守塾規師
 傳屢責不悛者准塾師知會值一在北倉門街馬神廟
 年驅令出學以候缺者頂補

光緒十八年知府吳中彥捐廉遊擊王兆清設立
束脩京錢

六十千歲由遊擊署具文
房冊

惜字社三一在義倉間壁義學
即今崇正義塾 日文會社同治

元年郡城紳士公立
歷年經費紳士按季捐攤 一在財神廟日崇文

社光緒六年知府長啟永年知縣夏詒鈺候補知縣春

煦郡人武澄清捐立
京錢五百千發商生息 一在遊擊署光緒丁

八年知府吳中彥遊擊王兆清等捐立採訪冊兼營冊

永年縣

文廟在縣治西中為大成殿五楹東西廡各二十八楹前戟門又前櫺星門左右二坊屏壁壁前泮池舊志舊在

城東北隅明洪武十一年知縣陸禮移建今地正統八

年典史王雲宏治五年知縣王鐸正德九年知府華津

嘉靖二十七年署知府牛沈度知縣沈銓署知縣張九

一知縣朱泰相繼修萬曆三十二年署知縣張鳳翔四

十七年知縣李宜培崇禎六年知縣張毓泰各增修

國朝順治八年知縣王報春十四年知縣余維樞康熙五

年知縣王家楨七年知縣梁炳宸十年知縣朱世緯雍

正十一年知縣侯可大乾隆二十一年知縣孔廣棣先

後修葺畿輔通志道光十二年知縣彭玉雯十四年知縣

陶金殿二十八年知縣韓象鼎同治十二年知縣王鏞

光緒二年知縣夏詒鈺各重修縣志明會彥記略承

今隸畿甸考之於志舊學在東北隅洪武十一年大尹陸孟仁見其隘陋遷縣治之西即今學也歷歲滋久風雨飄零王侯心持廉介政尙豈弟念學宮傾折鳩工集材卜日舉事朽者易之傾者正之甃取其精木視其良務俾堅實不事虛浮工始宏治辛亥落成於壬子八月於是廟復嚴翼之制學還高敞之規殿廡門牆堂齋房舍饌廳倉庫師儒之室罔不改觀教諭儀君暨訓導田君劉君輩偕生員楊震等具事詣京徵言以記之申佐記略邑學自嘉靖初年貳守牛公時署府篆鳩工度材撤而新廣之迄今四十餘年完者殘闕固者朽壞不

重修廣平府志 卷三十一 學校略上

勝浩歎歲壬戌秋貳守汝南張公九一以尚寶卿左遷
 來郡越明年春署永年事一日謁廟顧瞻咨嗟慨然以
 修治為己任乃悉心竭力命工修葺外自櫺星戟門內
 及聖殿兩廡又進而堂齋講習之所師生居處之室悉
 整理如制再捐俸金以資塗畫自是丹堊輝煌金碧炫
 耀較諸昔凡不侔矣秋七月偶值大水少頃地公復
 注意重修凡圯壞者皆煥然更新乃均徭戶續舊典百
 廢俱舉集諸生肄習其業政暇親詣考校資以膏火士
 蒸蒸嚮學垣之未備者皆完學諭孟宗孔司訓張世雍盧
 祠暨闔學生張茂等以公興衰補敝併事之願末請記
 於予予維學校有司之首務也張公任事未久修治教
 養若予之維美且速也於是乎記之胡沾恩記略承年
 儒學建置二百年餘規制宏敞綜理精密然歲月既久
 作者之精神既盡崩壞傾圮不無望於後人丙寅歲霪
 霖為災廟摧塌殆無寸宇周圍垣戶僅以址存壬申夏
 邑侯張公毓泰來令予邑不勝慨然於俸之所入銖積
 寸累至癸酉春得若干金計於事可有濟也謀之學諭
 諸生畀以五材之任而以所積俸絲其出入諸凡一木
 一石市之民價必歸於公平程之工構必取其緻密三

閱月落成舊觀盡復是役也雖名為修其實自大成殿
 外廊廡垣壁櫺星戟門以至鄉賢名宦諸祠不異創建
 公之為政其實心任事大抵如此故用之廟而能觀厥
 成也哉國朝冀如錫記略吾永為廣郡首邑廟學規
 制一準成均闕壯非他邑比顧歷久漸頽葺理未遑清
 興十有三年余公莅吾邑一日過學宮見頽狀歎嗟
 良久慨然曰此有司責也退銳志修復首捐俸為邑
 倡諸紳衿忭舞襄役恐後榷垣宇塗墍黜聖悉備凡
 吉蠲裸獻之所絃誦肄習之舍莫不次第以既厥事少
 間則進邑多士課以經義砥以忠孝是舉也經始於順
 治十四年三月甲子日落成於八月戊申襄事者廣文
 王君鼎臣眠工者少尹劉君斌德例得並書孔廣棣
 記略乾隆二十一年廣棣與承年諸紳士重葺學宮既
 落成廣棣言曰夫子廟非學也學有廟祀夫子學宮耳
 夫二三子之所以學者詎不曰學為夫子也哉顧於學
 宮之祀吾夫子者日視其傾圮頽落而無振奮興起之
 思是其心已日放而日弛顧曰吾夫子之廟而不敢後其
 之今者二三子急於吾夫子之廟而不敢後其庶乎
 知用力於敬不迷於學聖之功者矣願謂共由此不迷
 於學聖之功也非謂夫即此為所以學聖人也由此念

重修廣平府志

卷二十九

四

充之則慎獨之學敬在屋漏時中之體敬在日用言夫子之言行夫子之學敬在屋漏時中之體敬在日用言夫之則此一時之飾觀瞻博聲譽其與夫浮屠道士家之尊崇其教者何異哉知二子憬然於此也廣棣夫子裔來牧於此其於夫子之道茫乎未有所得顧吾夫子之言敬也即灑掃進退而存廣棣敬謹將事為吾夫子灑掃廟庭二三子將自力於聖賢之學使廣棣得觀其成豈不休哉楊兆璜記略廣平府倚縣曰永年其始縣學規制亞於府庠而歷年久遠網繆不備旁風上雨垣毀而屋頽崇聖之殿名宦鄉賢之祠傾圮尤劇士民病之前署縣彭君玉雯謀修復之興工未旬月而卸任去資財不充匠役中輟司事者疚心而已甲午二月正定府同知滁州陶君金殿起服需次來攝茲邑下車謁廟周視慨然以為前功未就後來之責也於是咨度籌畫割廉俸以率作鴻生魁士踴躍奔走八材十匠鱗萃麇集不假胥吏併日而赴功誼吉於暮春之初訖事於長至之節門牆殿廡周及旁舍昔之瓦礫榛莽巢穴鼠今則椽棟瓴甃堅金壽石雖拓舊以圖新不啻闢草萊而創雲構也落成之日君率兩教官諸生徒齋沐恭肅釋奠以告俎豆衣冠與輪奐相輝映觀者讚歎謂非

陶公來吾儕安觀此令儀乃請予為文紀其顛末予維政治之本教為最先自夫庠序之教不修人心日漓邪慝蠱起彼釋道家以福報誘愚民崇飾像設足以耀耳目而移志氣奸黠者遂假其虛渺詭幻之迹附會於卦爻圖讖之說始以漁利繼以萌亂近年清河之獄蔓延株累州縣望議者多矣此固民之無良哉毋以宰官教民之術平日有所未講歟予忝守茲郡每思補救於事後而扶植其本原與屬僚相敦勉得一彭合又未久即去乃不期陶君之來而案無留牘野無逋賦既勤既勞尤殷然以廟學為急務舉六十年未辦之工數月而成之使愚民瞻仰廟貌欣慕正道將必滌邪盪穢鏡乎至清人才由是興風俗由是成則造福於茲郡者豈淺鮮哉予深幸得君之助且將舉以為僚屬勸不敢以不文辭記其事銘其功勒諸麗牲之石以告來者

崇聖祠舊在戟門東明萬歷間知縣耿鳴雷移於明倫堂後就書樓舊址建後圯邑人胡鯉仍移建戟門東

國朝康熙七年知縣王家楨教諭王九有重修

縣志前案

有更衣亭今廢

名宦祠在戟門左舊有祠無主明崇禎十二年知縣宋

祖乙申請祀裴炎之等七人後主壞

國朝康熙十年知縣朱世緯教諭魏繼樸重立

縣志明汪光緒記

略舊志載縣學戟門外為啟聖祠祠改建大成殿左而設名宦鄉賢二祠於戟門之東西鄉賢則以本縣之祀於府庠者入祠焉邑令例不入府庠故名宦獨缺戊寅季夏緒初蒞丞庠首以此詢諸生謂承年附郭首邑明興三百年來令茲土者豐功懋績昭燦耳目當屈指未易數乃湮滅無聞未嘗一尸而祝之其何以彰往而勸來也即商之邑侯宋公祖乙先獲我心下車時即有所請當時東於功令屢煩查駁事尚度閣於是公慨然身任其事爰集眾議而太守程公司李余公郡丞范公皆懲惠其事又道篆適署本府遂得直達時值邊警城守戒嚴至明年春始舉主人祠嗟乎道待人行豈不信哉此數公者其人已往其骨已朽誰復於荒煙斷草之中

重理前徽豈知數千百年猶有人焉景芳猷而揚故烈如我公者哉公城守時逆折強敵綠林嘯聚獲厥渠魁適與在泮獻功會圍橋門而觀者如堵咸歡欣踴躍噴噴稱曠舉盛事斯亦見公好在人而鼓舞振興之功不可誤也

鄉賢祠在戟門右康熙間教諭楊九有重修

同上

明倫堂在大成殿後堂前左右二齋

舊志

張毓泰修明崇禎間知縣

國朝順治間知縣余維樞雍正十三年知縣丁應蕙乾隆

六十年知縣李景梅各重修同治十三年知縣王鏞增

修東齋

原作二齋今據學冊改正五楹

縣志李景梅記略癸丑三俾邑諸生講論其所讀書以覘人文焉時廣文劉亨錄先生言於余曰講筵設明倫堂制也今無堂何設焉余

怪而詢之迺知舊址略存堂構盡圯前任唐公會捐修大成殿兩廡及泮池櫺星門而明倫堂以公事之閣遂頽敗至今也吁廟貌雖新明倫堂不立豈得為竣工哉余不敏不能因仍故習亟商之邑諸紳均首肯願以棟樑之不易求選之閱歲乃捐俸若干為諸邑士倡邑之人幸感余意果踴躍不哀因即委諸紳士邢鈺等董其事一切鳩工庀材先事網繆總不假吏胥手僅十旬而落成矣成之日即欲刊諸石以俟後來又以歲暮寒凍不果行至乙卯春董事諸紳始請鐫焉是為記

敬一亭在明倫堂後舊在戟門東順治間知縣余維樞即尊經閣廢址改建雍正間知縣侯可大重修亭前舊

有號舍知縣郝綱課土其中今廢舊志參縣志

射圃亭在大成殿右崇禎十一年教諭汪光緒修

國朝康熙間知縣朱世緯教諭魏繼樑重修亭前有宰牲

所今俱廢同上

教諭宅在崇聖祠後明崇禎間教諭汪光緒修

國朝康熙間教諭楊九有魏繼樑乾隆間教諭張孝源道

光間教諭縉興先後增修舊志參縣志光緒十九年教諭許

鳳翥重修學冊

訓導宅在明倫堂西南舊在教諭宅後康熙十八年改

建今地乾隆十七年訓導王堯佐道光十七年訓導王

大馨各重修舊志參縣志

學額科歲試各取文童十八名歲試取武童十五名廩

膳生二十名增廣生二十名二年一貢學冊

學田原額地四十二頃二十四畝一分四釐

舊志作四十八頃三

十四畝四分四釐二毫

又租穀地五頃八畝乾隆二十二年民人

鄭宣等首報墾熟荒地三十三頃九畝二分八釐

通志參縣

志明周京記略永年學故無田田之創自江甯朱公始也公四明名進士試劄永邑見學宮廢缺狀即捐俸葺之慮貧窶之士餬口窮鄉婚葬不舉閭閻小子無力延師字畫不辨蚩駘而野尤為可矜嘉靖丙寅春民有首地之無稅者共一頃四十七畝公乃請上官籍為學田仍令地主佃種合歲納穀五斗又計肥磽多寡曲為酌處取盈為常歲共得穀七十三石五斗藏之儲庾遇士之如公所虞者師儒覈實以給及民貧欲延社師者咸量周之蓋自是而士荒其業者鮮矣公殊政甚多姑記其置田始末云嘉靖四十五年

紫山書院在縣治東舊址本在東關有閣曰聰明明巡

按御史蘇京建後移其名於漳川書院遂廢正德十三

年知府張羽建於此崇禎九年知縣張毓泰重修後改

皇華館

國朝康熙十一年知縣朱世緯復改為書院

舊志兼縣志

乾隆

二十二年知縣孔廣棣重修易今名道光八年知縣沈

惇厚咸豐二年知縣陳政典各修同治十二年知縣王

鏞增建講堂學舍籌捐膏火

地七十二畝零錢四千三百千發商生息月兩課取

生童各十五名月發膏火京錢四十一千八百五十文山長薪水監院車馬院役工食等費均由租息項下給發山長束脩銀一百二十兩由學田租內撥銀二十八兩八錢三分不敷銀承年縣捐補並籌捐鄉會試津貼城內典當例有季規銀二百四十兩每年提銀八十兩存該當以一分行息三年得銀二百六十四兩鄉會試各提銀一百三十二兩恩科提用一半署知縣羅慶熙復捐廉

生息

京錢八百千

增加生童膏獎

加獎生員超等五名特等十名又特等五名童上取

五名中取十名又中取五名月共京錢三十一千四百文

光緒九年知縣楊誠一增

添齋課膏獎

獎生童各五名

二十年籌捐經費

京錢六百千發商生息縣志

參書院冊 明崔銑記略書院何以記重興學也廣平張侯作之人樂之斯志之爾郡有學矣復作此者何擇其才而居之也書院居郡城之東南隅以外垣作門南鄉兩旁翼以室各五楹次作二門又翼以室各四楹作書樓東西翼以室各十有一楹後作萃英堂堂後作後堂八楹東西翼以室各四楹書樓及萃英堂各四楹乃聘耆儒教之廣平蓋將彬彬乎多文學之士矣國朝孔廣棣記略永有課士之所曰漳川書院余增葺之易其名曰紫山書院諸生請曰郡紫山書院久廢而遺址故在與今書院自兩地敢問有取於紫山何也余應之曰聰明山者紫山之一峰也昔人謂氣之有光者則曰紫氣聰山作鎮邑西雖距城稍遠而光氣所燭足為人文炳蔚之象命名之嘉無逾此者且夫諸生之肄習於茲詎不日作為文章而發諸事業也哉然有本焉經

術者文章之本也德行者事業之本也山惟靜也故蔚為光氣而無遠弗屆學不究其本而塗飾以爲華未有能倖者也諸生曰謹受教因爲記勒之碑 王蔭楠記昭陽作噩夏楠攝平干教諭適明經高君甲補修學宮楠曰此教職之責也因屢至工次言及督修書院事高君云紫山書院始曰漳川後定爲紫山其房舍草創因無膏火資未能開課去歲祝觀檄飭各屬有書院者捐增膏火無書院者捐立書院前縣勸辦未成王竹堂父師來莅茲土同人喜曰是增修南和清河書院者也吾永之紫山書院聿觀厥成有日矣下車他務未遑即蒙委辦此工兩月中增修講堂學舍二十餘楹其他器物具備延師開課雖膏火無多儻後之嘉惠士林者如竹翁父師從而修飾焉從而潤色焉何不可與清暉書院等也楠聞之憬然曰當此邪說橫行異端迭起加以兵戈之餘竹翁莅任之初即以振興文教培養人材爲己任其有功於世道人心者豈淺鮮哉今堂構成規模立將壽之貞珉同官李君文莊屬爲之記卽以所聞於高君者爲竹翁先生紀其實焉

義學一在城東街忠義祠東脩廟地有碑記 一在寺西街武母

祠鄭元善記略武母趙太夫人乃秋瀛大令酌堂部郎禹襄廣文之母也性貞靜喜讀書既教子以成名復視人而猶已當秋瀛宰定陵時值豫省不靖未能迎養歲寄廉俸以供膳羞太夫人儉於自奉積有千餘金爰建義學一所置良田百畝為脩金膏火之資延師課貧家子里黨咸稱其義嗚呼誠今之古人哉懿德徽音宜與斯學共傳不朽矣一在北大街范氏宗祠一在城西北辛村龍

王廟同治十一年府縣公立一在城西北四十里瓜井

村冉子祠同治十二年紳民公立

縣志

案通志東鄉大由集南鄉牛家堡西鄉臨洛鎮北鄉曲陌集舊俱設有義學又長橋集南壇張家莊東蘇村屯莊雍正六年亦各建有義學今俱廢

曲周縣

文廟在縣治東中為大成殿六楹東西廡各二十五楹前戟門左祭器庫右更衣亭前泮池又前櫺星門東西二角門門外左右坊南屏壁迤北兩翼門縣志金大定二十五年重建明洪武二十七年知縣劉信嘉靖九年邑人趙來鳳萬曆三十年知縣高出三十七年知縣張潑原名天啟四年知縣趙蔭昌七年邑人霍允猷崇禎十年自悟三年邑人路振飛相繼修

國朝雍正十一年知縣張若巖訓導侯元勳乾隆二年知縣周碩勳嘉慶間知縣蔡為章同治三年知府余承恩知縣王延桂先後重修

畿輔通志 金靳子昭記略 邑舊有學荒廢久矣先是范陽

顧侯定遠作尉斯土有遺愛在人既去而民益不忘侯亦樂其土俗及其歿也其子曰瑋日壁寄葬侯於邑東因家焉念學之傾圮釋奠無所謀復之適高平張公文孫來宰是邑將度地經始而張公去蓋又歷年乃能為殿三間嚴孔子及顏子以下十哲泊孟子像復圖七十之賢古大儒三十二子於庶齋堂廚庫靡不畢具雖且日招四方之士與邑之賢士大夫皆顧氏兄弟之作也且義可不謂之賢乎學始作於大定己巳成於丙午明昌七年秋九月望日記明侯廷訓記略曲梁富宋季荒亂之餘舊學久廢大定乙巳范陽顧君兄弟以舊令之子寓此而能大輸財力倡率興建嗣是修之者不過因舊葺治而已嘉靖庚寅春巡按御史蔣公見其傾圮乃召上舍生趙君來鳳諭之君喜躍唯命無計所費不數月廟廡門牆咸以一新邑令王君繼至因白其義於督學御史陳公遂與其一子入學以嘉之復為之礮石謁余請記袁宏德記略曲周學宮其來舊矣歲丁未秋淫雨連綿者月餘傾圮過半抵冬十月我合張念山來握邑篆慨然有感曰曲學近在畿輔久稱文藪前次上卿方岳金紫相望者十有餘輩且今課最待徵公車待

對者猶濟濟然為九屬冠夫非宮牆出入指南仲尼者耶何忍陋居如是司責安所辭於春融悉捐俸金等項儲材鳩工躬往督之首大殿次兩廡啟聖宮次明倫堂齋號工約費省名修實勸僅逾一時赫然改觀矣又遷建名宦祠於文昌閣後悉自輸俸顧工旬餘底績曲此劉榮嗣記略邑侯趙公為政之四年有叙其顛末如肅然聖人之澤奕然若新聖人之道巍然若崇掌故先生屬余為記予去諸生未三十年而久於諸生者三十餘年以士訓士掌故意乎夫三代之學所以明人倫也野董之以師儒勸之以爵祿束之以功名以調和其情節宣其氣琢鍊其智才膽力蓋養於斯取於斯用於斯是藐然者青衿實天下國家之命而世運治化之所託矣天下浮求士之實天下靡求士之介天下荒求士之理憂在天下惟士解之謹庠序之教予是以知趙父母之意也詩云肆成人有德小子有造孔邇之謂與雖然士則邑之士也養成人有德小母也取而用之非邑也天下國家也苟有建立興起治化轉回氣運問是誰之子弟

乎夫亦愈知父母矣 李嘉彥記略曲周學宮之修考
 之志文首大定顧瑭顧璧繼嘉靖趙來鳳繼邑令張鵬
 翼張自悟趙蔭昌此外何寥寥也意不見志文者時有
 之如近日鄉紳霍允猷亦嘗修學矣無記也幾何時而
 傾圮隨之豈無目之心惻舉之不能者乎僉都御史路
 振飛慨然任其事需以歲月始庚辰終癸未殿廡門牆
 祠閣堂號無一不新費三千金以國變乃止於乎何其
 旨之遠而用之宏也路子起寒素嚴氣正性得自天成
 在國在野皆以名教為己任生也功烈河山破也光爭
 日月異時國家釐正祀典歿而可祭於社曲周當以路
 子為舉首矣於乎士人其尚各以修學自勵庶幾路子
 修學之意相與有成乎 國朝周碩勳記略乾隆元年
 丙辰春余來守茲土單車入境見士樸民淳迨下車謁
 廟見丹雘璨然甲於他邑前知縣陞任張公黎谷為余
 言曰某之始來也 聖殿兩廡皆傾頽齋舍門牆亦半
 廢為荆榛瓦礫之場惟崇聖祠為學博杜侯兩君拮据
 尚未周備用是蹙然思所為興復計訓導侯君毅然以
 督修為己任某捐俸為倡一時紳士同志樂輸爰庀材
 鳩工首大成殿次兩廡齋舍次明倫堂御書樓梓潼閣
 橋星戟門宮牆泮池以及名宦鄉賢各祠宇次第撤而

新之是役也始於壬子孟冬閱期年告竣某以秩滿量
 移就道有日將礮石而書之因屬余記其略 蔡為章
 記略曲周文廟前明三加修葺迨 本朝則雍正以後
 無考嘉慶庚辰秋章莅任茲土入廟瞻謁慨然有志重
 新今年春謀之同僚先捐俸以倡司事者各踴躍赴公
 因得合資以鳩工用由大成之堂宇及兩廡門牆之屬
 以次整理頽者堅欵者正缺者補黜者及兩廡門牆之屬
 潛不數月內外翼然工既竣請不佞為記不佞以與校
 者治民之本有司之責今學宮之規模具備不佞有創
 建之勞不過葺其舊而新之至於教育子衿振興士習
 之道方自媿多所未逮又何敢託之於文以以示來者然
 而不可沒也 趙大山記略曲邑學宮屢有興修不過隨
 時補葺比年來彫敝殊甚兩廡齋房傾圮剝落櫺戟二
 門僅存基址宮牆及肩樵牧可入惟正殿巋然獨存幾
 於樂懸失次楹奠無方甲子秋前升憲余公蔭軒因公
 到曲拜謁之餘周觀廊廡謂荒落如斯弗稱崇尙因慨
 然以重修為己任謀之邑侯秋卿王公因邀集僚佐紳
 耆悉心籌畫計畝出資紳民共捐制錢二千五百緡擇
 日興工嗣因經費不給復續捐衿地如前數委邑士趙

學宮校格上

生銓秦生青香等董其役缺者補之漏者完之漫漶者飾之繚以重垣樹以嘉木宮牆而外崇聖祠敬一亭明倫堂射圃亭皆次第修舉閱歲功竣考舊志趙生十七世祖名來鳳者於前朝嘉靖間獨力捐修學使嘉之錄一子入學芳徽義舉至今膾炙人口趙生思繼先志勞瘁不辭故是役雖藉眾力贊襄而鳩工庀材始終弗懈者趙生之力居多予承乏學職深愧不文仰承余憲振興文教之功復加趙生克繩祖武之志爰誌顛末以垂不朽

崇聖祠在大成殿左明嘉靖十六年知縣張鵬翼建舊志

萬厯間知縣張潑修據袁宏德記補

國朝乾隆間知縣侯元勳同治間知縣王延桂各重修教諭趙大山訓導張錫三添建兩廡縣志

名宦祠在戟門左舊在明倫堂右明嘉靖間知縣張鵬

翼建萬厯間知縣張潑移建文昌祠後據袁宏德記補崇禎間

邑人路振飛移建今地

國朝同治間知縣王延桂重修畿輔通志參縣志

鄉賢祠在戟門右舊在明倫堂左明知縣張鵬翼建邑

人路振飛移建今地

國朝同治間知縣王延桂重修同上

明倫堂在大成殿後堂前左右二齋齋前號舍二十六

楹又堂東為神庫堂西為饌堂今二齋號舍神庫饌堂俱廢中為儀

門兩翼角門明嘉靖十六年知縣張鵬翼萬厯間知縣

張潑修據袁宏德記補

國朝康熙間教諭衛蕃同治間教諭趙大山訓導張錫三

各重修

縣志 明章允賢記略張子雲程子同年進士同令於廣平之隸邑張子令曲周子令成安今

秋仲月子因公過曲周謁先師廟學諭武君宣等延至明倫堂堂之側有兩齋齋之南為號舍若干楹周圍諸舍悉垣以甃舍之外東鄉賢西名宦各有祠棟宇隆崇丹青炳麗蓋歷八郡而一見矣因問武君為誰所為武君曰莫非張令為之先張令曲者皆以能稱而未之為也非他也急殿而後堂也歲丙申張令至歎曰萃華蓄用此堂為急奈何後之乃諏日月之吉召工而告之期於是量力捐貲計直費財出之不急而大工竣焉又以餘力施於齋祠等舍略如明倫堂之規蓋自有曲以來而茲堂之功茲令為大然而張令固不自言也

敬一亭在明倫堂後明嘉靖二十七年知縣方逢時建

國朝乾隆三年知縣周碩勳同治三年知縣王延桂各重

修

縣志

尊經閣在敬一亭後順治間知縣陳大均建乾隆間知

縣周碩勳同治間知縣王延桂各重修

同上

射圃亭在崇聖祠西明嘉靖間知縣張鵬翼建

國朝康熙間知縣崔湄修尋廢道光二十九年知縣胡啟

文同治五年知縣王延桂訓導張錫三各重修

同上

案舊志射圃亭在崇聖祠東今廢考古蹟有射圃亭

云為前明邑令張雲程建雲程鵬翼號也據此在祠

東者為張之原建已廢入古蹟今在祠西者當是後

人移建也

教諭宅在大成殿西南乾隆八年教諭王雯增修同治

三年教諭趙大山重修

縣志

訓導宅在崇聖祠東舊在教諭宅後雍正六年訓導侯

元勳就射圃基改建

舊志

乾隆八年訓導劉業淑增修同

治三年訓導張錫三重修

同上

學額原額科歲試各取文童十八名歲試取武童十五

名同治六年因城工案內奉文永加文武學額各一名

廩膳生二十名增廣生二十名二年一貢

學冊案同治七年陸任

知府余承恩以闔邑歷年捐助勇餉共京錢八萬四千

串有奇折銀在二萬兩以上援例續請廣額

縣志稿

學田共地十四頃八十九畝三分九釐零久為鄉民占

種乾隆六年知縣陸拱宸查出地十四頃四十三畝零

以每年所收租銀仍給廩生貧生其籽粒歸為毓英書

院經費詳請立案

縣志陸拱宸詳文伏自憲臺下車首重文教十屬士子莫不共藉陶成卑職仰體作人至意倡捐建蓋義學書院爰在文昌閣後就舊有之藏書樓五間添蓋東西房各五間又於閣前添蓋東西房各三間錄取生童延師開館書聲曉夜不輟聞者頗知興起惟是東脩膏火之費必源源取給始可永遠勿替查曲邑舊有學田一十四頃八十九畝零每年止徵租銀七十兩六錢零散給廩生貧生各一半而耕種多係豪民霸為世業亦有互相爭奪結訟起爭何如一清查概不究其既往其人地俱無委無著落及隨逐少於原額者悉行豁除至地浮原數者照數追出俱按實在確數統歸坐落村莊使殷實農民佃種以本年為始照佃戶輸租例量為輕減倘遇歉收仍照分數再減登記印簿存留交代使將來不至農民受累且杜霸佔欺隱等弊每年所收花利除照例給發廩生貧生外餘銀約二百四五十金倘遇歲歉亦有二百金上下儘收為書院師生脩脯膏火之資庶可行之永久文風

不振矣奉批照准仰即勒之貞珉昭茲來許仍將學田坐落畝數刊刻碑陰以為不朽之左券可也

案聶鶴齡記曲周學田創始於明嘉靖間知縣祝乾

壽置地六十畝黃驊增地二百九十三畝嗣後歷增

以至今數

公善書院在城東關明崇禎間邑人路振飛建置義田

五十畝

縣志明辛全記略予居燕京閱邸報見皓月路先生疏論當世事明愷真切允屬碩畫舉而措之可登上理先生讀予書亦相信莫逆締為道義知交一日啜茗談心告子曰吾虞宗族鄉黨子弟之失其教也構屋數間擇士之有品行者立教其中置田若干畝資束脩日用之費又恐後人之或廢也告戒子孫勿視此為路家物異日即枵腹不得取此租而食即露宿不得借此屋而居庶幾可傳久遠予聞之擊節歎服曰先生之念若此天實鑒之後必有賢人君子德業文章續緒振宗繩繩無替安得言枵腹露宿哉吾尤願世之

為鄉先生者聞此風而興起亦如先生之加惠桑梓者而各加惠其桑梓又願先生擴充其念火然泉達視四海千秋之後生一如桑梓之後生啟心沃心佐我聖皇朗明明曉然示天下以做人做官途徑則太平景象如是哉因書公善書院四字顏其塾之額

毓英書院在學宮東乾隆六年知縣陸拱辰建並籌捐

經費咸豐十一年燬廢同治三年知縣王延桂重建知

府余承恩倡捐集款後因養勇移用署知縣存祿復勸

捐補足又撥民地徭征典史徐鉞把總王雲亭各捐舊

管村莊一牌統歸書院經費

畿輔通志參縣志陸拱辰記略曲周距都城千里而近亦風教藪也不佞甫視事輒引文治為司土責

居久之既獲安於縣氓庶則檢視學故籍載租田共如額而核租之入無有爰訪耆舊曰公家業乾沒於鄉久矣不佞謂公家務宜公家需此故隸學鄉人何為者具

由達上憲議歸為造士資得請曰可會邑人樂義舉有帥先輸者而邑紳兩王子慨承其役乃度學宮東隙地附文昌閣後是汜是除是陶是植竹木瓦石壁璫螺首黝堊苦葺諸具用如式屋建計若干楹遡冬徂春兩王子瘠瘁急公是獲具舉因條視其租之息為膏火脯餼資擇士之惠而願者延進士王君今遠主其事而肄業焉既克有緒乃願以額曰毓英退而紀其顛委如此兩王子曰貢曰資實勸其役例得並書而樂輸多者則監生劉本立云存祿記略毓英書院創建於陸公拱辰以學田籽粒銀為書院經費美哉始基之矣嗣雖遞經修明歷有年所而浸荒浸廢人文寥落科第零星噫誰職其咎辛酉之亂堂齋一空都人士將治禮義之暇適前道憲祝因公到曲慨然以建修書院諭前令秋卿王公親延邑貢生牛應昌等董成其事前升憲余公蔭軒捐廉助資並勸輸制錢二千緡移交紳董寄商生息書院之制尤增其式廊無幾何旋困於兵前任因公移用未及補償已捐館去余承乏下車詣毓英書院謁臬比座夏屋渠渠何寂寂無絃歌聲聞詢諸董以資費不給對余咨嗟扼腕者久之爾時餘氛未靖急於練勇籌餉之餘捐補前項仍歸紳董經理暫為延師課士計

經久之規蓋有志未逮也又以續志未成引為長吏咎迺敬亭鷺舫兩夫子迫諸紳到館冰窗雪案三冬論文逮嘉平望後脫稿齎呈余喜而觴之把酒傾談環揖諸公曰向所謂有志未逮者今竊有望焉惟茲毓英之院創建已久改作方新第覽輿圖於百里隸士籍者萬家崇師重儒之未優其何以鼓舞士氣而宏獎風流惟廣文鷺舫夫子宣揚文教議撥民籍地兩牌九戶餘以差徭征役之供為脩脯膏火之資余欣然樂從更喜寅友王公西蜀徐公小帆各捐本署舊管村莊一牌贊成余志經費加矣條規未備諸公其何以教我羣起而拜曰不腆敝邑惠邀福於二三君子俎豆馨香願躋堂而祝之余曰噫余非敢自以為功願諸公無以為譽也夫莫為之前雖美弗彰莫為之後雖盛弗傳况法在百年弊在一日諸君子能為遠大計凡一切規制須酌其至當而約諸可久無以為名之階無以為利之媒則實惠之溥又何必虛譽之隆哉

濟公書院在孝固村村人張玉春置地二頃二十八畝

訓導縉興原作緒興據職官表改正記其事縣志

安仁書院一名夫子廟堂在縣東北五十里馬羅堡卽

元時安仁鎮今廢舊志參縣志 元王公孺記略燕趙

義由激其性分之固有者然也風俗移易烏知其不異於古顧亦在乎其人之振起耳於曲周安仁鎮夫子廟堂見之矣國朝大德間總管司千戶鎮撫耿淵於縣之東北起聚落曰安仁鎮不數年居民踰百家司侯男仁并耆宿劉聚等同志者一十二人每朔望盍簪歡然以道義締交燦然以文雅相接遂協議各領貲易鎮之爽塏地建夫子廟堂三區立像設位焉前則儀開有門後則講誦有室屹然爲一方具瞻仍請師儒教誨居民子弟明倫善俗風動一鄉非義氣感激安能致如是者哉乃告之曰三代盛時上自都邑下及鄉遂皆有學以時釋菜於先聖先師所以感發良心誘民於善迨至於秦其制盡廢漢興雖云開設學校其在都邑如文翁者屈指可數至唐始令天下建立廟學通祀孔子至於鄉鎮則未聞也今諸君乃能以義起祀可謂昭合古制矣故喜聞而道之

案書院已廢者不拘時代均附現在書院之後以存

遺址

義學舊在東關順治間知縣李時茂立置田二十七畝久廢康

熙五十八年知縣崔湄重立於明倫堂西舊志乾隆八年

知縣陸拱辰增建房屋尋廢道光二十九年知縣胡啟

文重立於射圃亭縣志 徐恭記略射圃亭義學之設其來舊矣按邑志亭爲前明嘉靖時

邑侯張公雲程所建萬厯間學博惠公因其地濬池注水藝蓮圍亭爲邑勝概 國初邑侯李公始置義學於東關置田若干畝廢後而崔公移置於此逮陸公又爲增建焉雖先後規制不同要皆作育人材之意嗣是修葺無人百有餘歲暮雨荒煙遺迹全杳今不過脩脯猶存歲有一鄉先生主其事然皆借屋而居靡有定所也戊申春中州胡公來攝邑篆會予適承斯教甫下車卽枉駕惠臨道及故迹慨然有修復意因謀及於邑之宣

武騎都尉秦君以義舉相勸堂舍門垣諸具既備延予師若弟迺遷於中公暇則時時一過規以道義而又自捐廉俸為覓館童一人間出金錢助膏火費次年春環行周視列植楊柳數十株於門外駕小橋築南北道路以防水潦嗟乎此誠經久之善計矣予因進諸弟子而告之曰天下事創之則難因之則易若公斯舉於百餘年遺迹全泯之後雖因實創有難無易其作育人材之心猶之雲程諸君子而慮周事悉殆相過焉繼自今凡在斯塾者宜各竭力致行以仰副父母樂育之意則後來之父母其必無異於今之父母矣然則所以致斯地之不廢者不在是歟諸子一在縣治前雍正二年立

輔通一在南關鋪嘉慶二十四年知縣劉澧建係書院茶童王

慶遺產共地二十一在曹莊李忠愍祠明嘉靖間改三六畝三分六釐

變廟建立以田三十畝為脩脯同治五年知縣王延桂申詳立案

一在西盧王家莊明萬曆間立以本村田二十畝為脩脯一在東盧

王家莊以本村田十三畝八分七釐為脩脯一在河西鋪額曰廣忠義塾

同治八年候補道余承恩捐廉立縣志 余承恩記略考曲邑為古斥漳民

質直而好義代有聞人宋臣李公若水死節金將粘罕稱之曰南朝惟李侍郎一人明季路公振飛保障江淮屢立戰功此以見忠義之風尚自古為然邇來兵燹屢遭膠庠寥落使不化以詩書之風茂由滌夫干戈之氣余竊憂之爰就新創慰忠祠設立義塾一所地為節婦趙劉氏產不受地值曲之婦人女子尚明曉大義如此予先捐錢千串發商生息為供脩脯暨葺祠宇之資以楊君芸生安生邦傑路生念修李公鳳臨宋生文淮李生傑等專司其事而識其緣起又有四禮生義塾余承示以規則勒諸貞珉計百年也

恩捐廉立以邑諸生李純德郭祥秦青霄王世熙司其事於禮生薪水外每人加給京錢四十千為

脩脯諭城關弟子無力讀書者即就本生家一在司兒塾肄業嗣後歷任捐廉承以為例縣志

寨光緒十九年知縣錢錫案邑人劉德峻王英瑞等重

立

縣册 錢錫宗記略曲周西鄉司見寨村舊有義塾

十畝為學田塾中延師膏火咸取資焉迨同治戊辰教

匪滋害典田築寨圍而塾遂廢光緒癸巳歲余莅斯任

越秋該村諸生以復設義塾是請且欲盡返舊地重整

新章余嘉其志欣然從之既成王生錫珍復乞言於

余爰為記其興廢 一在四夫人寨邑人劉佑創立有地八十畝

八畝五在後里僧寨有地十一在石彥固有地七一

在塔子橋有地二十畝錢一百一在城忠義祠由縣撥

費為經光緒二十年知縣錢錫宗暨邑紳先後重立上

肥鄉縣

文廟在縣治東南中為大成殿五楹東西廡各五楹前

戟門又前櫺星門門外泮池左右二坊舊志宋天聖四年

建熙甯元年縣令李某重建宣靖間燬金泰和四年主

簿張利用復建元至正五年縣尹張皞修明洪武三年

知縣韓淑昭永樂十一年主簿邵傑宏治十四年知縣

錢朝鳳各重修正德七年圯於水十一年知縣張博古

嘉靖十五年知縣趙廷瑞復修隆慶元年知縣李栻四

年知縣陳明經萬曆十二年職官表作十五年知縣廉靖

各有修葺天啟二年水又圯四年知縣李芳職官表英

五年知縣譚誠言相繼修建

國朝順治十三年知縣李文盛典史趙謙教諭牛炳星各

修康熙四年復圯於水雍正十年知縣王建中即舊址

學校略上

重建乾隆三十七年知縣戴棻嘉慶二十年知縣姜人

烈教諭任克閻訓導徐掄可道光十一年知縣汪玉海

咸豐七年教諭劉鳳喈訓導劉楓林同治三年知縣楊

毓枏教諭趙文濂相繼重修

縣志 宋張萃記略濮陽李公被廉察薦注合茲邑

其始至方漳水決溢公戮力疏導民復墾時咸受其賜
又構闔閭興垣墉於縣郭高貴之厖相慶而說隨因上
丁躬祀於孔子之堂流齋昇作洗巵裸鬯報事者蒼黃
跛倚臨之顧制度贊引無公協禮公慨然歎曰我宋重
熙累洽文章之盛炳然與三代同風天聖四載詔下郡
縣皆許建學除學宮闡儒術而祀素王至於章服冕旒
簠簋籩豆薦煢行事之儀悉圖寫以頒示何斯廟不遵
彝典獨褻慢之甚令何顏以處吏民之上遂輯同案謀
之得縣宇東南隅隙地廣袤數百步仍募指紳申畢之
眾梁棟環宏而阜積甃瓦堅密而鱗比版載畚鍤斤斲
坊墁匠徒輪作助善亡疲未逾一時功即告畢而講有
堂門有闕創兩序於東西二十四楹正貌敞於前崛起

巋然飭吏走仙源模其法式以塑繪禮器之品按圖改
造故釋奠舍茶精嚴而不黷飲福受胙興俛而有虔繇
是見賢相之胃効官釐務非俗吏之可希也與人樂而
誦之我田漂溺李公稽之我郭頽圯李公城之我有子
弟李公教之李公旋歸誰其嗣之萃日擊其事請撫實
以書 金龐雲記略洛之肥鄉縣廟學自宋熙甯元年
濮陽李公為縣尹復修之後六十年值宣靖間歲饑民
散盜賊蜂起其學宮悉為灰燼迨我聖朝受命削平禍
亂偃武興文太和元年頒告天下若無廟舍者刺郡以
上官為勅建諸縣許士庶自願建立鎮陽張君利用為
縣主簿以縣之 宣聖廟及學舍廢之久矣乃舉令文
以咨縣尹意以為不急之務其議遂寢未幾適以縣尹
承省召解印去張君攝縣事乃復申前議於是縣之士
人與民好事者相勸願以家貲出助而以狀聞於君
以學之故基卑隘相縣之東南隅得亢爽之地且以君
文明之方也乃攻築之其良材堅甃工匠人力凡百所
需無不備者經營築構不日而成講經有堂肄業有齋
貯書有庫修膳有廚壯偉宏敞煥然一新然後考制度
為俎豆籩簋樽爵簋盤觀者無不加肅敬之心焉相與
語曰今之肥鄉彬彬齊魯禮義之鄉也皆主簿張君化

之成俗而然也落成進士王天衢等請記於予遂記之
元朱繼雲記略至正乙酉肅甯令張瞻調尹是邑下
車慨然以學校為治道先相廟宇門廡歲久為風雨頽
廢與同僚為修復謀監邑塔失不花主簿韓涪縣尉張
元英典史齊榮祖均叶其議適學官郝恆文其事以請
尹遂倡割俸佐之宿儒耆士來者相屬市材不以培法
勒取備工加直倍常役故趨事者晨夜展力工踰半尹
以病歸監邑及簿代至越明年丙戌雍元刺互李居敬
典史劉守中踵其事落成焉殿堂門廡壘勦丹碧舉以
法故不質不文配像有容師生有舍諸生相謀曰廟學
既完且美紀刻於珉其可已乎於是乎書相謀曰廟學
略肥鄉縣儒學在縣治東稍南蓋宋元舊址也地脈鹹
鹵土木易敝修廢無所考宏治丁巳廬江錢君令茲邑
病其隘陋銳意修建禮殿講堂歸然先成工且有緒矣
陞任去正德中漳水突入城中瀾漫浸灌惟殿堂僅存
一切解舍皆狼狽不支諸生至假神宇以肄講上下餘
三十年及嘉靖乙未陝右趙君廷瑞來知縣事隳括需
費周爰咨詢開神路於糯米之南三十丈復侵地於學
門之西十四丈謂堂後卑下非向背所宜極力崇之以
壯形勝禮殿講堂以次修飾東西齋廡掄材鼎新創建

諸生號舍兩聯二十八區教諭解舍一所九區觀德堂
暨啟聖名宦鄉賢諸祠以至神庫廚宇無不備具落成
士夫聚觀以為自昔未有諸生皆喜得依歸各思奮勵
咸謂提調之功不可泯敢書之石以為後之繼今者勸
國朝張毓藻記略粵自康熙三年肥邑被漳水淹沒
移治所於東營遷徙草創先師之廟貌亦因陋就簡
無以昭敬而明虔暨雍正九年邑宰王公城舊肥而居
焉時值傾頽已久修復未遑文廟基址雖仍其初而大
成景象全非其舊他如啟聖祠明倫堂兩齋兩廡鄉賢
名宦諸祠以及圍橋櫺星諸門要不過略舉廢墜云爾
非有恢宏闊大之模也數年來風雨飄搖寒暑侵蝕牆
垣棟宇又幾剝落矣邑侯戴公下車慨然修復爰捐俸
以倡於先諸士民樂輸以勸於後廩生王九河等同心
協力共勸厥事不期年而大工告竣自大成殿而後次
第聿新顧鳩工庀材雖出諸生之力而經營籌畫則我
邑侯之烈也王廷模記略肥邑文廟與學宮雍正九
年邑宰王公復創其基乾隆三十七年邑宰戴公大啟
其宇於是自大成殿以下莫不次第觀成重新廟貌迄
今計之已歷五十餘年矣其間雖牆垣稍有傾圮棟宇
稍有剝落經宰是邑者前有姜公繼有沈公加意修理

以故尙稱完整上年閏四月二十二日戌時地震以致大成殿兩廡並各祠及周圍一帶宮牆倒塌甚多模等因就刺史王公商議重修刺史慨然以爲己任日文廟不整齊何以嚴對越學宮多損壞何以肅觀瞻於是捐俸以爲士民倡而士民亦皆捐貲樂輸以勸於後遂延武舉李大成等共勸厥事鳩工庀材缺者補敗者易勤垣墉而塗丹雘重修大成殿五間啟聖祠三間東西廡各五間名宦鄉賢忠義節孝等祠各三間戟門櫺星門泮池東西轅門照壁下馬牌西偏自照壁大門儀門東西齋房明倫堂敬一亭一切門樓圍牆莫不煥然一新是役也自二月興工逮十月而告竣嗚呼厥功偉矣因爲之記趙文濂記略咸豐丁巳劉曉山劉光陸兩廣文因文廟殘破勸捐重修派州同呂文翰貢生趙綱增生張夢星監工甫修大成殿及東廡而蝗大至所過之地禾稼一空因而止工餘錢三十九千五百文飭趙綱張夢星分存俟再爲修舉而旱蝗交迫兵亂頻仍因循未果辛酉二月曉山卒濂於九月抵任時兵火正急光陸又調赴懷慶軍營與楊樹屏明府集眾守城日夜不遑及同治癸亥漸平光陸以終養告歸樹屏陞廣平府知府甲子正月赴任臨行囑濂曰去歲修城濬濠餘剩

木植交紳士變價充公除修昭忠祠敬一亭及義學並立陣亡殉難紳民婦女題名碑外錢如餘卽將文廟學宮及文昌閣量加修補二月上旬與紳士集議時趙綱已先卒呂文翰遠在鄉卽派張夢星會同王琴堂張廷昭李占魁監修凡戟門櫺星門碑樓泮池左右二坊以及崇聖祠東西齋房並門牆照壁莫不缺者補之敗者易之舊者新之而學宮衙署亦量加粘補以便栖止大工於是乎告成矣是役也官樹變價及趙綱張夢星所存餘錢尙不敷用又動樹屏棉花餘息一百八十七千零以濟要需則樹屏倡議於前捐貲於後所以倦倦於肥鄉者誠有加無已矣

崇聖祠在大成殿後舊在殿東北隅明嘉靖十五年知

縣趙廷瑞建據郭郭記補崇禎十年知縣范志懋重修輔通

志

國朝雍正間知縣王建中移建今地舊志乾隆間知縣戴棻

道光間知縣汪玉海同治間教諭趙文濂各重修縣志

名宦祠在戟門左舊志明嘉靖間知縣趙廷瑞建據郭郭志記補

崇禎間知縣侯君招改建今地畿輔通志

國朝乾隆間知縣戴棻道光間知縣汪玉海同治間教諭

趙文濂各重修據文廟記補

鄉賢祠在戟門右明嘉靖間知縣趙廷瑞建崇禎間知

縣侯君招改建今地

國朝乾隆間知縣戴棻道光間知縣汪玉海同治間教諭

趙文濂各重修同上

明倫堂在訓導宅右堂前左右二齋舊有號舍十五楹今廢又前

儀門大門舊在大成殿東北明宏治間知縣錢朝鳳建

嘉靖間知縣趙廷瑞修後移建今地

國朝順治間知縣李文盛重修復圮雍正間知縣王建中

即舊址修建知縣宋錕續建乾隆間知縣戴棻嘉慶間

知縣姜人烈教諭任克閎訓導徐掄可道光間知縣汪

玉海同治間教諭趙文濂各有修葺畿輔通志參縣志

敬一亭在明倫堂後舊在大成殿後久廢雍正間知縣

宋錕改建今地嘉慶間知縣姜人烈教諭任克閎訓導

徐掄可道光間知縣汪玉海據王廷模記補各修同治元年傾

圯邑人張廷昭王琴堂等重修並添建耳房四間作為

團練局

縣志 趙文濂記敬一亭藏書籍之所也各縣

皆有之而肥鄉老屋三間漸就傾圮欲重修之
軍書旁午不暇及也一日團練紳士張廷昭張夢星王
琴堂李占魁告濂曰自軍興以來設立總團練局飭某
等專司其事而假館以居迄無定所由來久矣方今兵
亂方棘鄉民避難入城紛紛房主屢請遷移以便棲止
而城內房屋所在皆滿無地可容查敬一亭係公所因
其舊址舍舊圖新庶幾一勞永逸敢以請濂應之曰昔
魯僖公芹藻鸞旗開設學校而在泮獻囚在泮獻功皆
受成於學非以文事武備一以貫之乎今敬一亭殘破
矣蒙諸君雅意得復舊觀濂之願也敢不惟命是聽議
既定鳩工庀材擇日興工中因舊基建正房三間仍顏
之曰敬一亭以為紳民支發會計及宴息之所右建耳
房二間以藏軍器左建耳房兩間以作庖廚修築牆垣
刪除榛莽院宇恢闊老樹輪困濃陰四合戶牖間皆作
綠色較向之荒涼寂寞迥不侔矣亭既成擇吉移居而
團練局遂有定所自時厥後太平無事則夏絃春誦書
籍發為文章軍務倥偬則敵愾同仇禮義以為干櫓是
合天祿閣籌邊樓而一之矣後之官斯地者甚勿謂寓
人我室久假不歸而戎馬塵氛非禮樂詩書所可滌也

蓋敬一亭已傾圮借團練局之力而興復之非團練局無定所假敬一亭之地而久據之也是為序

尊經閣在文昌祠

舊志 案縣志同治三年教諭趙文濂補修據縣冊並無其事刪去

射圃亭在崇聖祠東南後改建南司今改節孝祠

縣志

教諭宅在崇聖祠左舊在明倫堂後久廢雍正間王建

中移建今地

舊志 同治元年教諭趙文濂補修

訓導宅在崇聖祠右舊在明倫堂後久廢知縣王建中

移建今地

舊志 同治元年訓導陳鴻詡重修

學額科歲試各取文章童十八名歲試取武童十五名廩

膳生二十名增廣生二十名二年一貢

學冊

學田共地二頃十六畝七分六釐零

同上

清漳書院在學宮前乾隆十年知縣饒昌緒

舊志作因安緒

崇德書院傾圮移建知縣鄭大進增修道光十一年知

縣汪玉海籌捐經費後因公提用無存同治二年知縣

楊毓柟查出叛產歸入書院五年知縣李鵬展捐免徭

征撥歸書院膏火等費詳請立案

縣志 韓士玉記略 歲乙丑我邑侯鄭老

夫子以粵左名士來莅茲邑見夫雞犬桑麻油然載敦
龐醅樸之氣爰進諸生童而課之以學擇其文理清真
負姿穎異者得二十餘人課藝則有程期講說又不厭
敦復期年文風蒸然丕變士之來學者亦愈多而我夫
子之心益懼曰學須靜也靜須學也諸弟子自鄉入城
力既勞於奔走猶以關防官署出入為煩因卜地於
先師廟前營建書院捐俸百金以為邑人倡邑人亦各
踴躍歡忻出資贊成後寢室中講堂左右翼以學舍其
前為門房東西偏則廚竈鑄出其間大小共三十餘棟
始丙寅之春三月閱六月功成日崇德書院夫子於是

心喜諸弟子執經問難得其所矣乃聘壬戌進士馬公
溥以為師館金膏火歲費二百金皆出廉俸仍月給紙
筆獎勵我夫子之惠邑人者何教思無窮耶用追敘其
始末壽之石汪玉海記略肥邑舊有書院並無地租
生息以充膏火將何以振士習而興文教耶余莅任以
來即擬設法勸捐爰為籌辦因收穫未甚豐稔暫緩施
行去冬年穀順成乃延請紳士公議按牌捐輸每牌京
錢二十千除置家具等項外共存京錢一萬一千緡擬
發典按一分二釐生息量入為出用猶不足復將舊有
學租歲入八十兩亦助度支當與各同志商請名師甄
別生童錄取正附課送院肄業未半年調任邢臺去爰
書顛末以記其事趙文濂記略肥鄉舊有清漳書院
經費久缺無以造士興賢濂咸豐辛酉九月抵任與楊
樹屏商議興復兵亂孔亟未暇也同治癸亥各村叛黨
以次伏法叛產照例入官胡盧營逆首王大忠地三頃
有餘樹屏欲歸入學田濂婉辭曰公惠顧儒官意良厚
但公在任書院不復則興復無期矣樹屏以為然履畝
鉤稽逐人勘驗得地六頃二十九畝每畝租京錢八百
文除去錢糧餘供書院費事未畢升任廣平府去寅惺
甫抵任甲子二月與濂延請紳董設立規條而所入錢

僅敷生童膏火獎賞及一切雜費延請山長無款可籌
及二年丙寅尋錫侯捐廉請李運之先生掌院然僅權
宜之計未能經久八月諸紳董與濂商議仿照成安邯
鄲章程將數村差徭撥入書院則經費有餘矣濂以為
可行懇求錫侯慨然應允旋以丁憂卸事十月李挹汀
甫經下車以造士興賢為己任一聞此事即照原議撥
入書院十五村每牌每年出錢三十五千其餘公私差
徭一概捐免仍請李運之先生掌院而書院經費於是
乎始敷書院規模於是乎始定是役也樹屏倡之錫侯
繼之至挹汀而聿觀厥成所以造福於肥鄉者豈淺鮮
哉濂儒官也得從三君子之後故樂為之書

崇德書院在李文靖祠西明隆慶間知縣李栻建後廢

縣志 明李栻移文略竊惟學校乃賢才之攸關而作
養係有司之職任本縣到任以來每月三次赴學聯屬
會講孜孜勸誘頗相信從然以居業無所散處各鄉志
意終難齊一學業何由切磋看本縣李文靖公祠內
空地頗廣擬蓋講堂一所學舍五十五間以大學三綱
入條分號每號五間廚房一十二間學倉二間量處穀

石以為貧乏之備及查得本縣本折馬頭編地均
徭等銀每名准除一兩五錢為赴京上納壓墜使用餘
四兩五錢合追入官修學庶本折得以適均二季共該
銀一百一十八兩又富民李玆欺隱糧地三十二畝今
被李道首出共該銀六十四兩合無俯從追給管工官
徑自收領市買磚木即便興造不入庫收以絕嫌疑其
餘工價容本職陸續查處工程完日另行申報庶諸生
居業有所而官司課督有規德業互相觀摩而人才日
以漸盛矣 郭崇嗣記略 溪李公之治肥也謀建書
院收邑俊而作養之地未卜也未幾得宋相李文靖祠
在城西門內幽僻高爽周圍多隙地喜曰此真造士之
所乃即其祠建號舍五十五區祠前故有兩齋各增以
廈祠南故有小亭改建講堂三間號舍之四隅各室三
間為廚舍翼號之南尾各室一間為學倉貯穀以贍士
合而名之曰崇德書院是役也工肇於庚午之九月至
十月終而工訖李公乃出其素所著困學纂言頒之諸
生以示規範而命
子記其歲月於右

振武書院在城西南馬神廟地後廢為池明崇禎間知

縣郝綱重修今廢同上

義學在城西南隅道光三年知縣沈蓮生立並詳請以

入官馬厰地二頃三分六釐 每畝租銀四錢舊崇德書院地六十畝 每畝租銀三錢

充作經費道光十四年知縣趙逢年將房屋借與典

史吳竟成居遂廢同治二年知縣楊毓枬增修重立義

學縣志

社學一在城隍廟東有地三十二畝雍正間知縣王建中置一

在賈兒莊一在屯莊營一在屯子堡一在北高村一在

積善村一在黃兒寨縣志

案舊志遺愛亭文靖公祠八蜡廟文殊寺府館右俱

有社學久廢

雞澤縣

文廟在縣治東中為大成殿五楹東西廡各十楹前戟

門泮池又前櫺星門左右二坊舊志 縣志稿 左右二坊今廢金承安

三年縣令高琢建元延祐至元間縣令高師顏張琮原作

崇據職官表改正重建明永樂十三年知縣宋銓宏治三年知

縣倪英九年典史張本正德六年知縣銀鏡通志作錢 鏡據職官

表改正嘉靖五年知縣張時啟十一年知縣周文定三十

一年知縣唐音四十四年知縣常世勳隆慶四年知縣

王之藩萬曆二十年知縣曹孔榮崇禎十六年知縣賈

益謙各有修葺

國朝順治二年知縣吳應文康熙元年知縣袁鴻謨二年

知縣常志崐十一年訓導張瑋六十年知縣崔湄俞

斌雍正十一年知縣景一元乾隆九年知縣李世基教

諭允淑孝訓導王賀十七年知縣王光燮三十年知縣

王錦林先後增修通志道光三年訓導郎中連光緒

三年迄十一年教諭賀家駿訓導李鳳池相繼重修縣志

稿金董師中記略雞澤為邑最古見於春秋時桑土

沃美人物阜殷國朝天會初縣為土賊占據民廬公舍

焚蕩無餘撫定後寄治於北臺頭村至今因之後之來

者姑務增廨宇完治城郭而已承安三年高君琢來此

視事之三日當謁宣聖吏白以無所君愕然曰士不

可一日無學民不可一日無教而况春秋釋奠著在典

禮庸可闕諸乃召士人與僚屬議俄有邑民郭慶等願

出財力成之遂與相縣之東南隅得亢爽地七畝而卜

築焉於是縣令主簿縣尉各出己俸郭慶等悉具所用

材璧工備廩食其餘士民皆樂助工經始於是年五月

朔畢工於四年六月祠有正殿日大成從祀有門講學

有堂曰稽古其東西廡為肄業之齋有前後三門儲時

之庫庖福之位列以其序而後宏麗端正雄長諸邑既

落成矣生員張環具其事來告漳川居士董師中為文

以記始末於是乎書明劉錫記略我庠孔廟日就圯

庠博士若弟子員久用為戚隆慶己巳歲督學侍御陳

公來按博士徐君眾弟子員請諸郡守賀公以狀白陳

公遂發教計工料費屬邑尹缺郡倅王公來攝符派土

官聶鍵殷濂良刻期事兩月人奉令惟謹日夕督工廟

重修廣平府志 卷二十九 學校略上

垂成績業門庶今年夏五月事竣徐君請則粗與記其大

道德意在不可無記予無以復徐君請則粗與記其大

略如此國朝齊葑記略予邑學校興廢不一至康熙

壬寅歲垂殘特甚署縣事曲安令崔公慨然重修自正

殿兩廡以及櫺星門泮池煥然一新而明倫堂畔無及

息仰崔公之勤而惜其未終再越歲曲安俞公來署雞

篆下車之日即召匠計工獨捐清俸凡崔公之未終其事者罔不刻期告成焉李開葉記略雍正辛亥冬邑令景侯蒞茲土謁廟日觀頽頽即欲修葺以甫下車未遑趨事越癸丑政事修舉遂捐清俸鳩工治材各僚佐暨合邑紳士咸協以勤其事費有弗贍侯又獨成之自大成殿啟聖祠而兩廡泮池戟門奎星樓名宦鄉賢祠圯者建缺者增隘者廣卑者崇規模宏敞瞻視輝煌為諸邑冠工始於癸丑冬月落成於甲寅七月邑之大夫士徵予記之於錦林略錦林來幸是邦朔望虔謁廟學目擊殿宇傾圯垣頽廢非獨不足以耀觀瞻亦幾不可以蔽風雨慨然於前者之既去後者之未來錦林適承其乏而將誰責耶遲之期年爰集彼都人士相與謀之僉以為可乃布之算而斂其資擇之入以董其事百爾器備並手偕作錦林以時往來其間工善吏勤晝夜展力舊制大成殿基亦較卑俯今為高三尺有奇堂構門廡之頽廢者今歸然焉是役也始於乾隆二十九年甲申十月卒事於次年乙酉之季秋將舉舍茶禮且其有日因勒石以紀其始末

崇聖祠在大成殿後舊志雍正間知縣景一元修建乾隆

十八年教諭尤淑孝訓導王賀三十年知縣王錦林光

緒八年教諭賀家駿各重修畿輔通志 參縣志稿

名宦祠在戟門左明嘉靖四年邑民郭周梁漢等捐建

三十三年知縣黃鑒改建今地舊志

國朝雍正間知縣景一元據李開葉記補乾隆間知縣王錦林光

緒間教諭賀家駿各重修縣志稿

鄉賢祠在戟門右明正德間教諭李一甯改文昌祠建

嘉靖間知縣黃鑒改建今地舊志

國朝雍正間知縣景一元修據李開葉記補乾隆間知縣王錦林

光緒間教諭賀家駿各重修

縣志 明李一甯記略正德乙卯整飭大名道兵備

河南副使劉公奉命兼莅畿輔重地按歷郡邑謂鄉賢風化之原也乃命郡邑建鄉賢祠檄下有司祇承德意鳩工掄材建祠於學宮之側擇其有道術者祀之雞澤稽之故實采諸輿論得唐處士馮先生仁海郭先生素國朝員外郎趙先生蘆參議郭先生恕劉先生誠是皆行義足以勵俗功業足以輔世宜祀之也事集當有言紀於石用張大公崇正化民之意於不朽

明倫堂在大成殿右明正德間知縣銀鏡建萬厯間知

縣曹孔榮天啟間知縣曹大章各修

國朝康熙間知縣姜炤乾隆間知縣李世基教諭尤淑孝

光緒間教諭賀家駿訓導李鳳池先後捐修

縣志稿

案舊志堂前有左右二齋堂後文會堂饌堂堂東號

房十一楹俱明嘉靖間知縣周文定建又齋前儀門

三楹崇禎間知縣賈益謙建據縣志稿今俱廢

敬一亭舊在戟門外明嘉靖三十六年教諭張景陽改

建櫺星門外東南隅

舊志在明倫堂北

今廢

縣志稿

尊經閣在明倫堂後即敬一亭舊址明崇禎間知縣曹

大章建置敬一碑文於內

舊志

國朝乾隆間知縣王錦林重修今廢

縣志稿

射圃亭在文廟東今廢

縣志稿

教諭宅在明倫堂前西側乾隆七年教諭尤淑孝增建

房舍十二楹後廢光緒三年教諭賀家駿捐廉修葺十

六年大雨全行傾圮復借俸重修同上

訓導宅在明倫堂後西側舊在堂東北久廢後移建今

地光緒五年訓導王淑身十一年訓導李鳳池先後增

修同上

學額科歲試各取文章十八名歲試取武童十五名廩

膳生二十名增廣生二十名二年一貢學冊

學田共地十三頃十九畝一分五釐同上

鳳輝書院在縣治東舊為義學康熙十年知縣姜炤建

二十一年知縣朱冕增修改為洛川書院乾隆十六年

知縣王光燮捐置地基建建房舍易今名畿輔通志同治

十一年知縣夏子鑿因房舍就圮勸捐重建光緒七年

知縣王贊元八年知縣孟不顯並勸捐經費共京錢五千四百一

千淨存錢五千串發商生息添建房屋九年教諭賀

家駿詳請以書院作官署歲得租價為延師經費暫租

民房為書院

縣志稿 王光燮記略 郡城清暉書院最稱勝地邇年曲清等屬皆有建立惟雜闕

然余以庚午秋視事茲土採風問俗竊思有以振勵之越明年乃即縣治東義學買民地拓其基葺舊營新豎門垣增室廡列堂階經始於辛未四月落成於癸酉五月顏曰鳳輝書院蓋因縣後鳳起名山而冀夫覽輝以來下也既竣事聚邑之秀者肄業其中公務之暇與諸生論文講藝且揖而進之日夫所謂文以載道言為心聲者豈惟雕蟲小技角雌霓之細兔園舊冊擅雞場之勝哉將使文成五采光燦九苞鬱為鸞鳳之音以和鳴國家之盛也助哉無怠諸生皆唯唯爰為鐫諸石以記之 吳壽坤記略 邑舊有鳳輝書院廢久矣同治十

重修鳳平府志 卷二十九 學校略上

一年春江陰夏君子塗茲土念養士育材政不可闕
 謀諸都人士醵金庀材因其舊別葺門垣堂齋及前後
 講舍甘餘間規模煥備代者陽曲孟君不顯至塗之暨
 之煌然改觀顧膏火闕如也未幾孟君移宰東明越四
 年始復任邑公解縣燬於火孟君即假院舍為治事所
 以其隘也後於院北增舍九築齋廚一出俸錢獎士分
 題課文而令肄業者月一至眾皆唯唯廣文賀君家駿
 言於孟君曰是事非久計也後必弗克繼盍鳩貲以充經
 費孟君曰然事未集復調任武邑去聞王君贊元承其
 乏下車以培植士林為先務而慮其難時諸生趙栗然
 楊生華約同十餘人以情聞於太守長公子明公謂廣
 文能且勇於自任檄與王君董其事遂偕邑人趙占元
 趙萬程王家棟廣為勸捐凡六閱月得京帑五千緡有
 奇逾年孟君復來催符四出樂輸者麇集乃與賀君從
 容熟商定章程申條約籌生息備用具而書院以成是
 役也夏君倡之王孟二君繼之而始終勞勩相與有成
 者賀君之力也光緒九年春予來服事亦寓茲院別賃
 民廛課士進諸生詔之曰書院自有而無其廢也易如
 彼自無而有其成也難如此諸生勉之繼自今其守爾
 業崇爾功毋荒於嬉毋囿於習烝烝日上以仰副我

朝廷作人之化而無負當事諸君經營擘畫之苦衷余有厚望焉諸生其勉之因勒石以為記

義學在二百戶營同治八年設立有地三十一畝 縣志稿

案舊志縣治東北有康熙十年知縣姜炤建立義學

又通志西門玉皇廟東門帝君廟北關元帝廟有乾

隆十六年知縣王光燮建立義學舊有義學田一頃十一畝五分每年

約租銀八九兩外捐俸二十餘金分給三處又董雙塔元帝廟以廟地十

脩慕家堡元帝廟廟地四十八畝以半為全家莊各

設有義學南雙塔文生賈壯猷等建正房三間全家莊文生黃振南等建廂房四間兩村公議

捐據縣志稿謂年久多廢俱無可考

廣平縣

文廟在縣治東南中為大成殿三楹東西廡各十六楹
前戟門泮池又前櫺星門照壁門外左右二坊舊志明洪
武三年知縣高立建永樂間知縣李昉成化間知縣何
琮宏治間知縣吾應騏顧璘增建萬曆十七年知縣陳
鑿修葺

國朝康熙四十二年圯於水移置新堡五十年知縣華士

捷即舊址重建畿輔通志嘉慶二十一年知縣董廷對同

治四年知縣楊汝為各重修縣儒學明陳鎬記略廣平

治辛酉金陵顧君華玉來知縣事首謁文廟登堂周視
慨然有創建之志未幾邑政畢舉物情翕然乃鳩工飭
材委訓導智隆以董其事相學之西南隙地創建明倫
堂傍為庫倉翼以兩齋齋以南各為號房為茶房正為

儀門為大門屋以間計者凡四十有八即舊堂為饌堂
為廚庫大成殿乃前知縣吾君應騏所建并兩廡兩門
則皆因舊而增新之以至祭祀之器鐘鼓之懸肄射之
圃教官之宅煥然一新而廣平之學遂為九邑之冠矣
癸亥夏功以告成
寓書請予為記之

崇聖祠在大成殿後明宏治間知縣顧璘改建縣志

國朝嘉慶間知縣董廷對重修縣冊

名宦祠在戟門左明宏治間知縣顧璘建縣志

國朝乾隆九年知縣尋紹舞重建舊志沈世楓記略廣

城郭始復而解宇市廛寺觀綽楔之屬一切蕪沒無存
文廟殿廡粗具其周垣橋門及名宦鄉賢兩祠闕如也
邑令尋君紹舞倡捐俸與學博陳君大章許君瑄尉張
君彥士率紳士等共出貲重建二旬而兩祠先竣予巡
歷肅拜敬念先六世祖貴州都清副使明陽公諱士來
居官耿直所至畏懷先以萬曆庚辰進士除是邑瓜期

被召林賢遷秩卒與漢以來司馬芝輩並祀名宦嗟乎
椽桷久墟俎豆幾替今規制聿新予既樂尋令之急公
尤竊喜先副使清白留貽幾二百載其耳孫
世楓適轄茲土得藉手以光我祖烈也故識之

鄉賢祠在戟門右明宏治間知縣顧璘建

國朝乾隆間知縣尋紹舞重建

同上

明倫堂在大成殿右堂前左右二齋齋前儀門又前大

門屏壁明宏治間知縣顧璘改建

舊志

案明陳鎬記顧璘所建明倫堂傍有庫倉齋前有號
房有茶房又改舊堂為饌堂為廚庫今俱廢

尊經閣在崇聖祠西

舊志作
祠東誤

明知縣顧璘建
敬一亭在崇聖祠東明知縣顧璘建

射圃亭在崇聖祠東明知縣顧璘建

俱同上

教諭宅在明倫堂後明知縣顧璘建

縣志

國朝康熙四十二年圯於水今尙未建

縣志

訓導宅在明倫堂後明知縣顧璘建後圯於水今尙未

建

同上

學額科歲試各取文章十五名歲試取武童十二名廩

膳生二十名增廣生二十名二年一貢

學冊

學田共地五頃三十八畝四分七釐零

每歲共租銀十
八兩歲暮給散

貧士
縣冊

崇正書院在城西關舊有其嚴書院在城北故址久湮

後移建今地同治初年知縣楊汝為修葺易今名光緒
 二年知縣李燾增建房舍籌定經費章程詳請立案每月
兩課生童膏獎及一切經費共需京錢一千六百千均
自行差地中籌撥其出納支銷向係縣署經管 縣冊
 義學在義倉西偏舊在縣治東康熙五十四年建久廢
 光緒初知縣何庚生改建今地塾師脩脯由縣署發給
 有碑記縣冊

社學一在西關外明萬曆十七年知縣陳鑿捐立一在
 小留村萬曆三十四年邑人鄭金捐立一在孟固集邑
 人鄭金捐立有地十三畝六分 今俱廢舊志

重修廣平府志卷三十

學校略下

邯鄲縣

文廟在縣治西中為大成殿五楹東西廡各九楹前戟
 門泮池又前櫺星門門外左右二坊舊志 舊在縣治東南
 明洪武十年縣丞王成移建今地永樂十年知縣鹿瑋
 正統十一年知縣史善天順四年知縣董策成化五年
 知縣劉翀正德六年知縣張偉嘉靖十年知縣趙時吉
 均修三十一年大名兵備道宋濬署知縣劉鳳重葺

國朝順治十四年知縣許侃雍正六年知縣鄭方坤縣志作乾

隆七年據職 嘉慶十一年知縣江淑渠同治七年知縣

侯國鈞相繼重修 畿輔通志 明錢溥記略學故址

地而徙焉歷歲滋久廟貌彫削成化丙戌春汝陽劉君
紳令是邑慨然欲經度之乃命鄉人量田賦所入資之
因而樂助者動以百計掄材庀工不旬月而就緒首建
大成正殿五間東西兩廡倍之高廣深固十倍於昔次
戟門櫺星門廊宇道路靡不煥然一新其經始也在乙
丑春而告畢於辛卯秋材雖鉅而不費役雖煩而不擾
劉君之績偉矣宜有以記之 裴宇記略邯鄲學在縣
治西歲久傾圮嘉靖壬子秋九月憲副宋還峯公以備
兵駐節邯鄲乃捐俸百金屬其易材與事會廣平通府
劉君鳳攝縣遂承命殫謀營繕於是文廟三間敬一箴
亭一座東西兩廡戟門三間啟聖祠明倫堂齋房咸加
葺理土墉悉易以甌墀以王子仲春始作迄癸丑季春
落成焉民不告勞事不告費而締構堅麗學宮燦然改
觀矣劉君乃告竣於還峯公將以歲時釋奠率師生業
其中乃走役請余言記之 國朝張漢記略邯鄲邑學宮
歷年已久風雨摧殘不無就圮希陶許公侃甫下車毅

然以起敝維新為己任捐金倡募鳩工庀材先大成殿
次戟門次櫺星並東西兩門又次則兩廡器庫齋房以
至明倫堂并垣墉門樓歷歷修整靡不煥然改觀計其
所費合官紳士庶之所捐蓋二千有餘金工閱期年而
後畢異日者歌采芹而思樂揚泮藻以流輝公之所造
甯有量哉 鄭方坤記略方坤甫下車謁廟瞿然者入
因與邑人士謀修復於是廣甯張君承德符君適秉鐸
茲土欣然贊成之擇庠士中有才守者董厥役自大
殿東西兩廡崇聖祠名宦鄉賢祠明倫堂一切垣瓦臺
砌門櫺軒檻之屬增者十之一拓者十之二三補葺者
十之八九或丹或漆以藻以繪皆舍其舊而新是圖由
是而希賢而希聖諸生其勗之俾令之為是舉者有光
寵焉 江淑渠記略歲癸亥予令邯鄲下車之日行謁
先師禮周觀學宮敝且圯既乃與父老約工與材眾
計之費若干眾籌之若董事若襄事眾舉之凡所購募
與其所出入胥勿與吏勿與令亦勿與於是眾皆曰善
遂經始於甲子歲之夏四月而葺事於冬十一月自大
成殿以至明倫堂暨敬一亭煥然維新矣是役也凡用
錢四千五百串有奇凡紳士地一畝出錢十五凡民地
三十畝以上出錢八其不及格者毋出從眾議同眾好

重修廣平府志 卷三十 學校略下

事故易就也其明年予牧易州郡之士若民請予記之
侯國鈞記略同治乙丑春余以菲才調任茲邑甚任
 後恭謁 聖廟見廟中棟楹椽榱屬朽蠹繞垣周級
 多就傾頽余惄然憂之時值重修城垣未竣旋復寇訐
 兵躡軍書旁午未暇議此戊辰夏捻孽蕩平城工已竣
 奏請增廣文武學額各三名永為定額余因而喜曰邑
 將人文蔚起 聖廟斷不可聽其頽敗矣以此意函謀
 於眾僉曰善適秉鐸茲土者有仙舟王君範亭周君亦
 共相贊成因擇紳耆之公正有才者庀材鳩工自大成
 殿崇聖祠及一切廊宇門榭或丹或漆靡不重新加整
 是役也始於戊辰仲夏訖於己
 巳季秋統時蓋週歲又數月焉

崇聖祠在大成殿東明嘉靖間大名兵備道宋濬署知
 縣劉鳳修崇禎間訓導李培重建

國朝雍正間知縣鄭方坤同治間知縣侯國鈞各重修

輔通志參
縣志稿

名宦祠在戟門左明正德十五年知縣劉維嶽建

國朝雍正間知縣鄭方坤同治間知縣侯國鈞各重修同上

鄉賢祠在戟門右明正德間知縣劉維嶽建

國朝雍正間知縣鄭方坤同治間知縣侯國鈞各重修同上

明倫堂在大成殿後堂前左右二齋堂東講堂號舍案舊

志講堂號
舍今廢 殿左右祭器庫明嘉靖間大名兵備道宋濬

知縣劉鳳修

國朝順治間知縣許侃雍正間知縣鄭方坤嘉慶間知縣

江淑渠同治間知縣侯國鈞先後重修同上 鄭方坤

莅邯三載始克置文廟祭器竹木之外應用銅者限於
地與財姑代以錫其器有登有劍有簠簋籩豆有俎有

爵有琖有象尊犧尊雲雷尊有勺有冪有筐有饌盤有
 祝版其用盛太羹以登和羹以銅黍稷稻粱以簠簋水
 土之品以邊以豆載牲以俎獻酒以爵以琖貯酒以尊
 取酒以勺覆尊以冪承帛以筐進饌以盤陳祝詞以版
 其薦之也為先師壇四配壇十一哲壇兩廡先賢先
 儒壇崇聖祠五代壇東西配享從祀壇鄉賢壇名宦壇
 凡十二壇禮獨隆先師其餘以次而殺亦以義而通
 皆參考成書不妄以臆其器之數登一銅十二簠簋各
 十六籩豆各五十八俎十爵四十四琖一百四十象尊
 一犧尊一雲雷尊六勺六冪六筐十二饌盤五祝版四
 凡三百三十有八蓋稱略備云嗟乎先王之制禮也不
 惟其物惟其意苟意不相屬雖玉瓚珠盤燦然具列知
 神之吐之也久矣方坤將惟是之懼其於
 制之未協則請以俟後之踵事而起者

敬一亭在明倫堂後明嘉靖間大名兵備道宋涓知縣

劉鳳修

國朝嘉慶間知縣江淑渠同治間知縣侯國鈞各重修同

教諭宅在明倫堂東北舊志同治間知縣侯國鈞教諭王

振甲重修縣志稿

訓導宅在明倫堂西南舊志同治間知縣侯國鈞訓導周

芳模重修縣志稿

學額原額科歲試取文童各十五名歲試取武童十二

名同治七年城工案內奉文永加文武學額各三名廩

膳生二十名增廣生二十名二年一貢學冊

學田共地四頃二十六畝舊志

邯山書院在縣治西南乾隆十年知縣魏浦建舊志嘉慶

十年知縣江淑渠籌捐經費咸豐二年知縣盧昌輔增

建房舍同治六年知縣侯國鈞九年知縣王崧年各捐

徭征歸入書院侯捐東里堡徭征每年制錢六十五千

十五十一年知縣英榮捐置桌橙各二張並勸捐田畝錢

文本金制錢一千貫發商行作為脩脯膏火志參縣志

稿魏浦記略乾隆辛酉余以葑才任茲邑三日謁

而教養之謀於廣文李君乃於縣治西南得官地一區

清厥界址俾占居者各遷移其力講者助之資獲地基

東西若干丈南北若干丈建立書院以為士子肄業所

邑紳士欣然從事曰此吾邑創建之舉亦吾邑人士之

責也相率捐貲三百金助役有山右邢子有條富而好

義慨然捐百金為佐余亦捐百金以要其成凡立講堂

三楹左右館舍各五楹堂後左右齋各三楹前為重門

而繚以周垣鞏固爽塏可以永久工既竣顏曰邯山書

院邑紳士進而觀焉僉為色喜是役也協成者廣文李

君敏祐陳君鴻修縣尉張君綸而鳩工庀材始終勤事

者則紳士賀子昌張子爾傑爾瑄其勞均不可泯法得

備書抑書院雖成膏火尚無所出方謀設義田數十畝

以充其用俟有成數刻列碑陰而虛其左方並有望於

來者之能繼云江淑架記略邯山書院之設六十年

於茲矣前志載膏火無出藉以存文會之餼羊嘉慶八

年秋余調任茲土策所以具經費者幾周歲而無得也

會戶村士民李振生等報稟願按田畝歲捐制錢六百

緡分季輸納供書院經費之需請以免其徭役專力於

斯舉余惟戶村土地居闔邑五十分之一允其免役於

公旬未至有闕而書院經費賴此以及於久遠其庸多

矣所請宜不可拂余樂觀斯舉知來者必相與有成方

郝樹栗王重道文生牛煥雲職員王應麟太學生裴萬川暨學長廩生張文彬增生裴士崧倡率闔邑共捐費得制錢六百餘緡余捐廉助之共九百緡乃誦吉興工左廂既舉復益大門一間北瓦屋二間東瓦屋八間舊有缺壞者補築之丹雘之不數月煥然改觀矣工竣爰誌之以示來者 郭家修記略歲庚午諸城王公以名孝廉來尹茲邑至即留心學校爰集邑紳修舉廢墜邑紳以經費支絀適北蘇曹紳士共倡義舉商同衿民捐貲津貼每歲共得制錢一百八千文具呈稟明公深加獎許允照戶村成案優免各項差徭議既定爰勒貞珉以誌之

五星書院在戶村西即龜臺寺改建 縣志稿 郭家修記邑西戶村北舊

有龜臺寺崇基廣刹雅有石泉憑眺邑城百雉紆餘西挹紫葛諸峯爽氣洵勝地也第住持無人而雲遊僧道往往竄處其中妄託飛來錫杖實則煽惑愚民前任邑侯查知毀其棟宇杜其門戶此寺之名從此而革余友廉堂等憫其人之愚而惜其地之廢也每私相謂以雅勝之地竟同棄井不如改爲義學延師以教鄰村之子

弟俾家絃戶誦不致作奸犯科庶於士習民風均有裨益遂約鄰村同力協辦而商賈人等亦罔不樂輸錢緡以爲補葺之資原有地十三畝作山長膳費之用且匾其額曰五星書院聊取宋五星聚奎以占文運之吉云

繼志書院在河沙堡同治間邑人王必恭建 縣志稿 今爲

義塾 探訪冊 王必恭記繼志何繼祖志也祖何志志建學也不名繼祖而曰繼志何繼父以成祖志也

先祖當日恆產無多貿易餬口命先伯父與先父就學而衣食莫繼改業農商先祖以家貧讀書艱難如此輒欲推泰山廟之所積立東義學事難獨斷雖有志焉而未逮也厥後先父默體親心慨然有自立義學之意奈家道薄寒年歲屢歉逮予稍長先父無日不以祖志諄諄爲諭言之心若甚感者不幸天年未永繼先伯父而亡予又不獲誦讀矣遂命弟溫專修儒業數載以來幸承先人餘蔭謹身節用頗有餘貲因念家三叔舉孝廉先四叔列太學雖以予與堂弟儉之不肖亦得例入成均與搢紳伍未必非先人志在立學之一念所積而發焉者也於是捐金千餘兩施地百餘畝建造學舍一區顏曰繼志書院敦請名師啟發後進俾村中有志讀書

而無力者均得入其中而肄業焉斯舉也祇以完先人夙願云爾至若因一時之締構卜奕禩之肯堂時加整頓永永勿墜予於子孫有厚望焉

義學一在河沙堡舊志作河沙鎮乾隆十年邑人解成龍捐立

一在城內忠孝祠同治七年知縣侯國鈞立侯國鈞記余於同治

四年二月莅任斯土每逢月課之期親詣書院校課見多士濟濟顧而樂之詢以膏火之資則戶村地方所承辦也其項由差徭折價而出因思差徭可以供給膏火亦可以建立義學富而有力者無論已倘寒素子弟無力讀書得義學以教育之則人人可望有成有書院以課諸生復建義學以端蒙養將見家絃戶誦文風蒸蒸日上矣於是邀集紳耆商籌款項適有武舉閻鳳岐等稟呈閻家莊等四村每年除應備馬匹外有號草等差可折價京錢一百四十二千情願按四季呈繳官義學作為脩金等費余喜其好義且喜義學之舉得以速成當即允行遂令存案豎碑在忠孝祠為之延請品學素優之士課讀其中無論近城遠鄉凡貧士子弟有志讀

書者成就業焉是舉也雖不敢謂極樸菁莪比隆一在往古然於國家培植人材之意未必無小補云

城西南十五里霍壁村同治十年村人公立縣志稿

案通志康熙五十四年立有北關南關北十里鋪南

二十里鋪北泊子村東里堡隄西堡代昭鎮八處義

學據縣志稿今俱廢

成安縣

文廟在縣治東南中為大成殿七楹東西廡各十一楹

前戟門泮池又前櫺星門門外左右二坊屏壁舊志元至

元縣志作至正二年縣尹牛天章建後燬明洪武三年知縣

彭子潤重建正統四年知縣張雲六年知縣韓温相繼

修成化四年知縣劉蕘恢拓之嘉靖三十六年縣志作三年據

職官表知縣王鈴隆慶二年知縣王琢玉萬曆三十年

知縣劉永脈四十二年知縣李三畏四十四年知縣賈

三策崇禎二年知縣彭希賢十三年知縣陳熙訓導蓋

國彥各增修

國朝康熙七年圮於水十二年知縣王公楷訓導要運昌

邑人溫恂重建十七年邑人王聲雍正九年知縣徐時

作補葺乾隆三十四年知縣張景載移泮池於櫺星門

內嘉慶二年知縣譚光禴五年知縣孫培曾咸豐六年

知縣張柏榮各修畿輔通志光緒十六年知縣戚朝卿重

修縣册明林大猷記略成安故有廟學在縣治東南

知縣事謁廟慨然歎息越明年春遂捐俸倡邑之好義

者以修葺為己事躬臨閱視日必二三往期月自禮殿

門廡講堂齋舍以至庖湍之所視舊加大而煥然一新

矣既而汝州何侯讓繼宰是邑於是學校鼎新躬領袖

諸生以課進修之業而喜其遊之有所因徵言以追記

之賀賁記略戊辰冬予自留臺徙守茲郡時崑源王

君以甲榜進士為邑令首崇教學政理維新邑人歡然

愛戴越明年夏潦水大作郡中咸苦墊溺而邑學壞甚

講習無所居愀然以修葺為任遂倡捐俸金若干兩米

麥若干石僚佐及鄉大夫義民各輸有差財用既裕乃

鳩工募役自文廟兩廡櫺星等門以及明倫堂齋廊號

舍皆擴陋以宏易朽以堅葺欵以正飾以丹采煥然奪

目計三月而告成俎豆崇嚴絃誦聿起且財出於勸輸

費而不傷役取於招募勞而不怨於是王君琢玉齋狀

請予記之陶望齡記略成安學宮堂宇宏壯稱畿內

而尊卑密疏之制或弗中倫廩延劉君令茲邑修謁庭

廡下循覽歎息思刻革簡謬用嚴秩祀爰謀博士生徒

暨鄉先生僉曰幸甚於是蔡參知可賢任東廡蔡明府

學校略下

可行任啟聖祠國子生吳君維甯進士吳君維東任鄉
 賢祠餘乃屬令捐金穀鳩工力以先之毗士響應萬
 歷三十年春二月告役於廟明年冬乃落成先是啟聖
 祠在廟門東南隅不稱尊親推報之義而名宦鄉賢二
 祠列於門屏猥褻尤甚僉議更徙文廟後故有訓導宅
 於是改祠啟聖遷名宦鄉賢祠於戟門左右序而以故
 啟聖祠祠文昌名義順成灌獻以序故東西廡各十四
 楹楹損其三而度書藏器更衣點齋之所咸備焉幣幕
 新觀什器完好諸生安從善又以私財市銅鑄疊豆簋
 簋為屬四百十有六於是矜佩之士瞻厥廟貌樂其成
 功之易也謁文以記之陳廷謨記略吾邑乾侯文廟
 學宮規制昔號崇隆年來殿宇垣牆寢為風雨所侮疇
 昔邑主又都傳舍其官未遑問及歲乙丑河南彭侯希
 賢來牧吾邑善政善教三年一日客冬見廟貌日頽宮
 牆就圯輒愀然疚心力以鼎新為任重捐清俸鳩工庀
 材凡殿宇堂廡一切重加葺治邑父老子弟德侯嘉惠
 至意亦莫不子來趨事無何而頽者翼翼然圮者馬
 然翬飛鳥革赫弈改觀嗚呼盛矣國朝吳應棻記略
 成安學宮為漳水圯僅存基址邑令徐君時作捐俸重
 葺而教諭鍾曙悉力經營庀材董役種種有法余督試

廣平特赴成邑見廟廡規制漸就而工力殊艱屬諸生
 共加學畫紳士好義者聞風踴躍各為捐助於是垂簷
 畫拱照耀琳琅向之蓄翳榛莽者屹然成鉅觀矣夫學
 校之興廢實與有司政績相關今徐君克知政治本末
 為邑中紳士率先汲汲惟修舉廢墜是圖教諭鍾復能
 均心一力相與有成而余式憑輶軒采訪善俗得拜手
 而慶盛代之久道化成不亦幸乎是為記孫培曾
 記略成邑文廟座落城內東南地勢低窪土脈鹹鹹創
 建年久雨水淋漓殿宇滲漏牆垣傾頽嘉慶二年前任
 譚公倡舉興修設法勸捐遴選紳士逐績等十二人督
 理興工甫經籌辦旋因丁艱去陶公接署僅將大成殿
 修整亦即中止予於三年仲秋任事查勘情形工雖浩
 繁理當竭力全修庶無殘缺參差可以伸誠敬而壯觀
 瞻詢諸紳士無不踴躍樂從仍令遂績等循舊經理購
 料鳩工以董其成予亦不時躬親指示督率修理迄今
 兩載將前後殿廡門牆池壁祠閣以及明倫堂學署普
 律增修一體煥然茲當學宮重新之際固宜敬
 謹歲修以期永固此又余所企望於後人也

崇聖祠在大成殿後舊在殿東南明嘉靖十年知縣董

文奎建萬厯間知縣劉永脈移建今地知縣賈三策修葺

國朝康熙二十八年舊志作三十邑人遂我貴捐貲重建雍

正十二年知縣紀暉嘉慶五年知縣孫培會各重修縣志

名宦祠在戟門左舊在儀門外明萬厯間知縣劉永脈

移建今地舊志知縣賈三策修後圯於水

國朝康熙間知縣王公楷重建嘉慶間知縣孫培會重修

鄉賢祠在戟門右舊在儀門外明知縣劉永脈移建今

地知縣賈三策修後圯於水

國朝康熙間知縣王公楷重建嘉慶間知縣孫培會重修

同上明袁魁記略祠舊在儒學儀門外非制也邑侯廩延劉公乃移戟門之右恢廓宏麗近聖居儼然咫尺矣復采石以鑄名焉顧不偉與蓋鄉賢關一邑之文獻而藉以模範乎後生修美報核故實也他日諸士子目擊而指轉相評推某也賢而古某也賢而今某也顯某也微九原如可作也吾誰與從編氓顧而咨歎曰大夫不皆文士也何獨賢我猶未免為鄉人也得無恥乎後裔仰而徘徊曰茲吾先人所以取重鄉評也吾不能嗣修令德得無貽先人辱乎自是慕德向風風且遠也又安可以一鄉限耶記曰吾觀於鄉而知王道之易易也夫信

明倫堂在大成殿西堂前左右二齋又前儀門大門舊有

號舍明正德四年知縣阮吉建舊志隆慶間知縣王琢玉

萬厯間知縣賈三策崇禎間知縣彭希賢各修

國朝康熙間知縣王公楷重修嘉慶間知縣孫培曾補葺

東西齋添建客齋三間縣志

敬一亭在明倫堂後明嘉靖間知縣李若愚建萬曆九

年知縣柏正移建今地十八年知縣楊學詩四十年知

縣李天祺教諭王孫昌各重修同上

教諭宅在文廟西舊在敬一亭東明萬曆十五年知縣

劉三英四十年教諭王孫昌各重修後圯移建今地縣志

參採訪冊

訓導宅在教諭宅西南明萬曆間知縣劉永脈修

國朝乾隆六年知縣趙元祚重修舊志參縣志

學額原額科歲試各取文章十八名歲試取武童十五

名同治九年城工案內奉文永加文武學額各一名廩

膳生二十名增廣生二十名二年一貢學冊

學田共地九頃八十四畝五分一釐零縣册明安謙

崑源莅任之二年為辛未政既大通迺新學宮又以諸
士子常貧而廩食者有額於是始營學田得五頃五十
三畝有奇請於上皆嘉歎報可越明年壬申侯告滿考
上上而教諭張君鉞訓導關君運暨諸生張盒輩乃造
予問記蓋恐侯美之
弗傳也於是乎記

案續縣志舊有地一頃一十八畝八分湮沒無存嘉

慶間知縣孫培曾查出前任入官地九十六畝移送

儒學置為學田又查出原額學田地五十八畝三分

共地一頃五十四畝三分與縣冊畝數歧異附記於此

聯暉書院在學宮西嘉慶六年知縣孫培曾購地創建

通志 光緒十九年知縣戚朝卿捐廉增課

縣冊 孫培曾記略

嘉慶三年予來莅茲土詢知縣無書院意欲興之適有

陽寺等七村紳士請免其差徭願建立書院以作養人

才此意頗獲我心予以修儀膏火供億浩繁又益以翟

村等三村與七村共為書院取資之所遂於說法臺東

偏設立講堂延師開館取生童肄業其中此書院所由

助也繼因眾庶雜遯究非讀書善地十村紳士復於城

中購買民房按照照基址更建規模顏之曰聯暉書院

暉者因府書院清暉之名而起也而邑書院由是成

焉于元龍記略成邑書院自我侯孫公始考舊志茲

事楊公改社學為育英書院亦不旋踵而遂廢焉侯自

嘉慶三年來宰是邑越二年政通人和百廢俱舉獨文

運否塞科第不開侯曰此無他由為上者作之無其道

也爰建書院於大成殿西淮免魚口等十三村軍需差

徭之費購其地而鳩工焉不一月講堂三間成門樓牆

垣成講堂後上房三間東西房六間後西上房三間又

東小房四間皆仍舊貫而補葺之規模既就取聯清暉

書院之義又採五星聯暉之義名之收考四方生童月

給膏火又自捐金刻棊倚堂選本數百篇分為

四集教授生徒此其啟迪開示之功何如耶

文漪書院在學宮右康熙六年知縣趙元祚建今廢

縣志 趙元祚記略學宮在斥城東南隅廟貌宏敞體制巍

煥洋池在其南直逼城陰異方有奎閣儼如文筆而右

則曠然無束余建文星橋以收泮水而西南為遂子雲

從之閒地乃商建書屋五楹以補其缺遂子欣然樂從

斯地靈之應也屋成而余與王田兩外翰並諸人上觀

焉則左筆右印形勢全美其有助於學宮也益彰而泮

水漾文池蓮吹馥顏之日文漪取水之秀也其靈不獨

應於學宮且卜其鍾於遂氏矣更儲之以書籍益之以

花竹不惟誦讀其中者毓秀無窮而春風秋月夏雲冬

雪其為雅人高士之所吟詠而徘徊者甯非斥邱一勝

重修廣平府志 卷三十 學校略下

三

地哉

義學一在縣治東有地三十二畝一在圓照寺有地一頃三畝一在姜

家營有地五十畝以上三學年久傾廢光緒六年知縣蘇殿

華捐購市房於縣治東歸併設立分左右兩塾地畝仍

舊一在小郭莊康熙三十九年本村文生楊洪訓捐立

乾隆三十五年武生楊繩武重修有地七十五畝一在姚堡村

泰山廟光緒十六年邑紳士王慶潮捐立有地四十六畝一在

東河村元帝廟光緒十八年知縣戚朝卿捐廉立十九

年邑人申煥章捐置田地二十一畝查出元帝廟舊地二十一畝共四十二畝每年

可得租京錢五十千延請塾師每年需京錢一百餘千不敷之款仍由縣署捐送申詳立案 畿輔通志參縣

冊

案朱京記乾隆四十一年花兒店立有義學一所置

地四十畝縣冊云今廢又縣志明嘉靖元年知縣桂

萼創建社學四十二年知縣楊沛改爲育英書院萬

曆三十二年知縣劉永脈又改建社學其遺址今不

可考

威縣

文廟在縣治東南中爲大成殿五楹東西廡各七楹前

戟門泮池又前櫺星門門外左右二坊舊志宋元祐間在

雉川村崇甯四年由雉川遷邵固村政和三年通直郎

牛直侯重建金正隆元年縣丞趙居道主簿高元移建
 今地元初移威州來治天歷時州尹董守思同知蕭伯
 顏增修後燬於兵明洪武八年知縣袁師孟重建正統
 間知縣王閏成化間知縣閻縉王政宏治間知縣劉鎰
 正德間知縣于周均修嘉靖間知縣錢尤高自卑胡容
 恢廣之萬歷間知縣張應蟾修葺

國朝順治十八年知縣縉酉生康熙七年知縣陳永昇九

年知縣李之棟乾隆元年教諭傅繼孔先後重修

輔通

志兼採碑記 宋秦坦記略宗城舊治雒川避河之衝
 崇甯四年始遷邵固名雖為縣而實不若堡聚鎮邸之
 雄者雖隸屬大名而絕邇甘陵不遠三十里異時醴醑
 之用蔬茶藥石之物一切取給於恩唯是學校之興縣

吏遵用崇甯二年詔書肇造者無舊物之可襲不能以
 因仍苟且於是堂室棟楹宏麗以深餽廩器用豐縟以
 肆遂為他縣最縣在雒川村時有學元祐七年令郭長
 卿闢而新之今丞相何公實為之記其文固在其通直
 郎牛直侯洵仲為是邑之二年馳書託予曰縣有學記
 乃大丞相之文學雖已遷亦猶宗城之舊也子為我載
 其興廢以題其事於是乎記 金傳慎微記略宗城舊
 有 文宣王廟歲久不葺屋宇傾圮上漏旁穿又僻在
 一隅不當文明之地正隆元年文林郎歸化高元來為
 縣簿歎學校之不修非所以仰副聖君崇儒重道化民
 成俗之意與同事趙居道勸誘進士魏選等於邑東南
 隅故郵驛肇建新學去卑陋黯闇之區就高爽文明之
 地為正殿大門東西序講堂等舍二十餘間塑繪先
 聖先賢十哲六十四賢二十四大儒莫不中禮如太學
 春秋釋奠朔旦釋菜邊豆簠簋壘洗爵苜薦獻之器又
 皆中式如太常用不足則邑中業儒者魏選等二十餘
 人共成之 元楚惟善記略威州治國初寓井陘後徙
 茲洛水學因縣舊狹隘弗稱瞻仰廟貌歲久復傾敝至
 順庚午前守董侯始議撤而新之明年州倅蕭侯特因
 其緒成之得州民地益展而南於是捐已俸倡率僚屬

增修聖殿兩廡若干楹改顏會思孟東序西向以配先聖仍繪諸賢之像州人聞之作役助工始於是年二月終於四月侯可謂達為治之本矣明王濬記略廣平之威縣舊有文廟與學在城巽隅丁元季兵燹悉燬焉洪武初知縣袁侯師孟即故址建大成殿兩廡櫺星戟門明倫堂二齋與夫神廚庖庫饌舍堂號舉如制歷承樂宣德以迄正統凡逾六紀棟宇悉皆摧剝時知縣介休王侯閏撤而新之規制一如舊而堅整加焉仍拓築射圃樹亭日觀德繚以周垣既畢工而王侯卒官自是又歷景泰天順以迄成化凡三紀於茲昔之堅者以腐整者以缺摧剝將復如前更數尹曹郡閭侯縉至慨然有興修之意以成化戊戌九月初三日始闢隘為廣起卑易腐輪奐一新規制視舊加十之三至庚子年十月十八日將告訖工而閭侯遷知陝州去今知縣扶風王侯政繼至以次繕完教諭莆田陳公璣訓導鄭公循輩相率請文諸石於是乎書范瑟記略嘉靖十五年晉高侯謙菴由博野貳尹擢知縣事政初釋菜先師視廟貌不治喟然歎曰茲實有司之責余將圖之晝夜區畫庀材鳩工爰命鄉耆高伸等督役越二年戊戌廟貌告成規模高敞文藻灼麗秩秩然改舊觀矣咸謂

侯作新之功不可無紀迺舉石以圖不朽來請予記予維侯善政著績不能備述舉一以見其餘耳茲役也先師殿之側為戟門為兩廡凡二十楹明倫堂之側為兩齋凡十楹齋之後為東西號凡三十楹啟聖祠暨陳公祠鄉賢名宦祠凡十二楹敬一亭暨神庫神廚與饌堂凡二十楹學宮之旁為射圃亭凡三楹咸潤色於其舊者堂之前為抱廈齋之南為外號廟學之外為坊表則今之創作云張應蟾記略歲辛卯余自諸城來合是邑下車之明日祇謁先聖先師既週視學宮則見堂宇幽邃廟貌森嚴齋廡垣墉以及門屏柱礎即不甚新麗而規制肅然具瞻仰間心竊私慶暇日因以詢諸學博先生周君時泰向余言曰不佞蓋五載承乏於此頗能耳而目之姑述所親記曰乙亥歲濟南龔君勗之來諭也維時學宮傾圮殿宇廊廡蕭然屹立如在中達然君用惻然即先出俸金為諸生倡致仕兗州郡倅尹公言以金佐之鄉薦紳及諸生與編氓之知義者各輸金有差迺筮日鳩工率作興事縣尹上黨任公宏業亦出金粟給工費始殿廡次門次牆垣皆因舊基而新之縣尹歷城李公魚化加之坊墁於是黜堊丹漆一復輪奐之故矣又以外屏曠遠內移數武砌階以甌局以

欄柵此則縣尹平度崔公涪之所改作學宮之西舊為
衢其東稍接民舍於是亟為闢之名其街曰玉帶南北
計者若千東西若干其地基出自尹郡倅之所輸入者
什七以直市諸民家者什三此則縣尹任城王公鈞之
所勅造戟門之外左右望柱各一此則尹郡倅之所增
設泮池兩旁柏各數十株此則居民高姓者書其名所
手植者也是役也由乙亥迄今歷禩一十有八尹茲土
者凡七司學政者不下十數而規為次第各効區畫迺
有成績余不佞三人者蓋幸享其逸云 國朝李鵬程
記略邑侯緱公酉生庚子秋來任威邑下車之明日祇
謁 先聖先賢既週視學宮見其荒圯頽蕪即慨然有
興作意乃首捐俸銀鳩工庀材凡一甄一木毫不科取
民間且鼓舞倡率俾薦紳士子無不輸心樂助庶民子
來惟恐後焉而躬為之指授舉舊制摧剝者撓毀者悉
撤而去之而節而稅而隅而廉而棟楹而簷阿湫隘者
高廣之黯黹者黝堊丹漆之殿後兩旁舊無圍牆併增
而壘之其盤基之固結構之密視昔有加焉大殿既成
乃次外屏次兩門次牆垣次兩廡以及泮池達路殿臺
階砌規為次第各盡經畫蓋經始
於十八年春二月落成於秋七月

崇聖祠在大成殿左明嘉靖間知縣徐道存建知縣高

自卑據范瑟記補胡容相繼修後圯

國朝康熙間知縣李之棟重建縣志

名宦祠在戟門左舊在崇聖祠前明嘉靖間知縣錢朮

建知縣高自卑修萬厯間知縣宋守經移建今地

國朝順治間知縣緱酉生康熙間知縣馬九思重修同上

鄉賢祠在戟門右舊在崇聖祠前明嘉靖間知縣錢朮

建知縣高自卑修萬厯間知縣宋守經移建今地

國朝順治間知縣緱酉生康熙間知縣陳永昇各重修同上

明倫堂在大成殿右堂前左右二齋齋前儀門又前大

門堂東北饌堂號舍神廚庖庫明洪武間知縣袁師孟

重建據王濬記補成化間知縣王政嘉靖間知縣高自卑修

國朝順治間知縣緱酉生康熙間知縣陳永昇增修同上

敬一亭在崇聖祠前明嘉靖間知縣王來問建知縣高

自卑修據王濬記補後廢

國朝康熙間知縣李之棟重建同上

射圃亭在崇聖祠東南明嘉靖間知縣錢朮建知縣高

自卑修同上久廢

教諭宅在明倫堂後明嘉靖間知縣胡作霖建萬曆間

知縣何圖重建據陳薦記補

國朝雍正間教諭傅繼孔重修舊志明陳薦記我國家

員不等各齋居類附明倫堂前後左右威庠第三署舊

在大街西明倫堂側闢一徑以通往來何侯謁廟環視

學宮無然日以師儒比鄰於市井如體統何且右掖風

氣渙散文運所由關也乃於堂右畔得隙地長闊若干

丈以為可營遂鳩工庀材經始於夏仲月內為寢室室

傍有兩楹前有廳塞外門掖各有小楹為門斗蔽繚以

垣牆徑實塞焉正署攝其中左附精舍為讀書處室後

又建一祠以奉香火屢年荒舍赫然改觀工訖於孟秋

之月庶民子來悅不稱厲威士多無恆產侯年數解推

起其困憊又以街西宅地易地若干畝清查逃絕地若

干畝捐俸買地若干畝共一頃餘歲徵其租為督

課賑貧之資俟大有造於威矣故樂聞而次隲之

訓導宅在明倫堂西北明嘉靖間知縣胡作霖建

國朝康熙間訓導孫允蕃重修同上

學額科歲試各取文章十五名歲試取武童十二名廩

膳生二十名增廣生二十名二年一貢學冊

學田共地一頃二畝五分舊志

案明賈待問記威州地多沙浦民苦不耕嘉靖四十四年知縣王明汲勸諭開墾共得地十二頃八畝四分七釐零詳請督學徐公將此新墾地畝充為學田以周貧士蒙批准刻石永遵以今數較之不及前十分之一附記於此以備考

洛陽書院在縣治南明嘉靖間知縣錢朮建知縣胡容

修葺舊志

國朝光緒三年知縣孟丕顯邑紳等重修並籌捐經費縣冊

明胡容記略丁未之夏容奉命來令茲土見縣治南舊有小學牆屋傾頹鞠為園蔬蕪穢弗治從而新之豎門垣列堂階增室廡越三四月煥然改觀拔幼學穎異者肄業其中因錢令之舊而更損益之為堂者四曰崇德以祀周程張朱四賢示仰止也曰報功以祠前令志弗忘也曰敬業曰樂羣使知方也榜其門曰洛陽書院因其地也

義學舊在縣城忠義祠同治十一年知縣溥福光緒三

年知縣孟丕顯先後捐貲改建有地二百餘畝縣冊

案舊志義學有三一在城西街康熙四十五年知縣

劉德亮立一在張刀村雍正四年知縣董思任立有地

二十一一在學宮東乾隆五年知縣盧豪然立有地一

餘縣冊不錄未知廢存姑附記此

社學一在城南街一在北街俱明萬厯間知縣何圖建

舊志

清河縣

文廟在縣治東南中為大成殿五楹東西廡各七楹前

戟門又前櫺星門門外左右二坊前屏壁泮池舊志金大

定四年縣令劉惠主簿張格建元至元三年達魯噶齊

伯拘歹至正十七年達魯噶齊脫忽思帖木爾縣尹趙

範葛義方先後增修明正統十四年知縣趙文宏治三

年知縣林瑱正德元年知縣許諫嘉靖八年知縣王紘

二十二年知縣盧汝翼四十年知縣傅延耆萬厯五年

知縣向日紅十年教諭沈永祚訓導李守直十四年知

縣張民綱崇禎十年知縣曹亭十五年知縣秦際暉相

繼修葺

國朝順治二年知縣王世勛康熙五年知縣胡文煥十四

年知縣盧士傑雍正十二年知縣金昌世嘉慶六年知

縣莊重道光九年知縣陳師魯咸豐八年知縣高維翰

同治十年知縣王鏞各重修縣志金王堪記略清河

因徙治歷亭而清河遂為屬邑初郡庠居譙門之西暨
遭水患齋宇蕩然水既復因其基為右司理及州徙又
為巡檢司凡三易訖為主簿之公宇自學之廢距今幾
四十年而生徒肄業之所歲時致敬之地闕然無所依
每春秋釋奠則假令廳事大定癸未歲十二月建安張
公格來佐是邑就舍之初詢其故惻然感發請於邑令

劉公惠忻然以錢二十萬助其費既而酒監高君貞士進士張伯達皇安止諸君樂聞其事分務營新吏民翕然惟恐其後於是鳩工度材卜縣之東南隅宋監司公署之故基乃為宣聖殿以嚴像設東西齋廡分焉碑亭門宇煥然一新壯而不華儉而不隘經始於大定四年三月落成於五年九月然後奠謁者有所絃誦者有歸云元魏天章記略清河宣聖廟始於金大定七年重創之後至今百有餘年矣嗟嚚嚚齊伯拘石縣尹邵氏維禎主簿公孫氏重喜下車之始同詣文廟仰瞻大成殿板堂卑下廟宇叢如倒壁墮檐傾楹欹棟又見碑樓毀盡路門半摧慨然共有興復修起之志焉遂於公庭諭諸同僚縣尉公蒙古氏八刺典史張公國顯暨教諭蒙古氏八都等協謀共議各出一年之俸給充工匠之資及邑之儒人丁允中等并郡中士庶從而助者各有等差遂鳩工度材選期興作經始於至元三十一年之十月落成於元貞元年六月前後始終無期月撤大成之殿舊貫板堂單料順拱改為西鋪之作畫棟雕梁藻繪輪奐增廣崇高方之舊宇六尺有加其階址砌用磨甗東西廡廡前後門樓皆峙講堂旁齒兩序碑門砌建路門重修廟堂廡齋室門庭靡不完具煥然一新

新豈不偉歟楚惟善記略至正十七年丙申二月嚚嚚齊脫忽思帖木爾縣尹趙範葛義方主簿鄧克義相繼下車謁廟視殿宇庫陋狹隘弗克安神願學官桑彥和議所以復之者於是監尹等各捐己俸計工不給邑士王君永芳聞之慨然悉助以完經營於是年春三月逾月而落成廟堂齋廡翬飛崇麗而煥然一新邑人恐無以彰監尹諸君之勞遂以學官桑彥和狀來請文諸石余樂是功德之及人也故不揆而為之記明孫緒記略嘉靖戊子雲中王侯紘以河間經歷擢知縣事謁先師廟見頽廢狀惻然於心乃進諸生而告之曰教者治之宗也予舍是不理而區區於簿書期會以為治余恥之明年己丑四月政成侯知民之可使也迺召匠氏計所費贊出贏餘力出徒役謹簿書明出納民不知勞財不知費秋八月訖工司訓山東金君環謀之僚案及諸生以是役不可無記且侯之賢當載也於是乎書李僅可記略霑化虛侯以廉平簡易之德尹厥敝邑而三大博又相與明經修行為多士倡士習因以大振治立教成侯心燕喜乃相夫子宮而大葺之曲殫心匠徐出賦餘易舊以新拓隘以廣抗卑以高飾朴以麗居者樂業過者改觀以為清河自有學以來所未有

也然且官不加費民不知勞侯之經綸亦妙矣時僅可
 以內艱起復未即行三大博乃率諸生過舍而屬記辭
 弗獲為敘其顛末如此 蔡叔達記略甲子歲傅公莅
 茲邑下車甫三日入學宮謁殿宇慨其荒廢奮然欲拓
 而新之諏於眾鄉士大夫多尙義乃輸貲粟以佐費公
 涓吉辰授意匠分工計日選員役之才幹者董其事且
 不時省視別其勤惰辨其工拙始事於仲秋上旬甫再
 月而大工告竣修正殿兩廡戟門櫺星門戟門左右為
 兩掖與殿東西掖相值櫺星門外為兩坊東西翔起其
 南樹巨屏而刻石其陰曰太和元氣屏南為泮池大勢
 環抱學宮殿後為明倫堂大厦前抱為東西齋為兩翼
 門堂後為敬一亭亭左為啟聖祠前為名宦祠又前為
 號舍二聯左之左闢隙地為射圃亭扁曰觀德東南隅
 起樓櫓以名龍門遙與西之儒林坊相映堂之左為夾
 道南北矢直可百餘武建儒學門三楹右為文昌祠前
 為鄉賢祠為號舍二聯併寓於左者共二十楹俱負陰
 抱陽晴窗風牖曲盡其制生儒肄習稱便前為神廚神
 庫省牲所或創新或易故通計為屋凡若干楹為門凡
 若干屏以階墀則整飭以關鍵則嚴密莫不宏深靚麗
 端直軒豁無遺制焉且製為祭器若簋簠登鉶龕幔之

屬亦皆考制度以折衷膾炙耳目咸謂前此未及聞見
 也余因其狀而記之 國朝胡文煥記略康熙四年癸
 卯二月余莅任茲土甫下車謁 先師見廟宇傾頽欹
 梁反柱不可蔽風雨兩廡蕩然并先賢木主零落無存
 余甚駭異之期年地方小有安集乃集耆老紳士共相
 斟酌於是庀材鳩工自棖棟榑櫨甃費之屬除風雨薄
 蝕朽敗者一更易正殿兩廡次第告成堅而整質而
 無華瞻仰升降宛在杏壇之間余既幸學宮之成而絃
 歌雅化猶俟後之君子云 孔衍樾記略邑學歷元迄
 明屢次重葺而地氣斥鹵圯壞頗易三韓盧君士傑自
 康熙癸丑秋撫臨茲土歲時瞻拜輒俯仰咨嗟爰與學
 博李君糾集諸生而謀復故先捐俸金以為闔邑倡人
 情踴躍如赴嚮焉乃程土物度材用略基址大殿重新
 欲其固兩廡增葺彌其闕啟聖明倫堂美厥輪奐戟門
 櫺星峙以威儀移文昌祠於左建太乙閣於城名宦鄉
 賢二祠漸次偕作焉噫既不廢義又不辭難可不謂甚
 盛事歟爰勒貞石以垂永久併冀後之宰是邑者尙有
 感於斯記云 金昌世記略癸丑夏余承乏清邑謁學
 宮見茂草狀怒焉不克終日以歲歉民且苦飢未暇興
 土木事明年甲寅元氣稍復因亟與師生耆老議捐興

修謀既定於是寸積絲累首大成殿明倫堂崇聖祠次兩廡甬道戟門櫺星門道德坊又次文昌祠奎樓名宦鄉賢祠陸續告竣是役也欵側者整之摧殘剝蝕者新之道路茅塞者闢之而砌以石築垣墉以嚴出入泮池乃濬之擴之學宮定式有櫺星門而無照壁惟地當通衢者間有之清邑學宮在城東隅地僻本無事此乃撤而去之外臨一陂大可二畝水光瑩瑩直射殿宇抑何胸襟廣大而眼界光明也哉計其功始於雍正甲寅之冬訖於乾隆丙辰之夏閱二十月而落成諸生乃議建碑以記顛末走白於余余固弗能卻矣爰為之記陳師魯記略清邑文廟歷年久遠自嘉慶六年經前任莊重修逮今二十餘年風雨剝蝕兼之地基斥鹵牖戶垣墉半歸殘缺儒學立意修復而未果丙戌冬適余承乏茲邑謁廟時儒學亟以修復相商爾時正值督修縣倉時難並舉丁亥秋淫雨連縣大成殿棖榭崩折神龕暴露儒學倉皇告余余即往視心甚惻然事難再緩即以修復之事屬儒學因傳諭學生員悉心籌畫邑人田澄清情願捐銀倡率兼董其事議遂決貢生王名世廩生張希聖簡存密等分行各路竭力勸捐至戊子春二月十九日興工閱七月而成殿崇聖祠文昌宮東西

庶戟門櫺星門明倫堂名宦鄉賢忠義節孝各祠以及照壁羣牆漸次告竣繼而諸紳士請記於余余曰諸紳士捐修文廟詢可謂樂善而尊聖矣是為記

崇聖祠在大成殿左明嘉靖間知縣傅延耆修據蔡叔達記補

崇禎十一年知縣賀嗣隆重修舊志

國朝康熙間知縣盧士傑重建後知縣金昌世陳師魯各

重修縣志

名宦祠在戟門左明嘉靖間知縣傅延耆修

國朝康熙間知縣盧士傑重建後知縣金昌世陳師魯王

鏞各重修縣志

鄉賢祠在戟門右明嘉靖間知縣傅延耆修

國朝康熙間知縣盧士傑重建後知縣金昌世陳師魯王

鏞各重修

同上

明倫堂在大成殿後堂前左右二齋東西號房又西芹

宮坊

舊志

案縣志齋房號房及省牲所今俱廢

明嘉靖間知縣傅延耆

修

據蔡叔達記補

萬曆二十五年知縣陳緒復修

國朝康熙間知縣盧士傑重建後知縣金昌世陳師魯均

修道光二十七年知縣沈元文重修

縣志

敬一亭在明倫堂後明嘉靖間知縣傅延耆修今廢

縣志

射圃亭在崇聖祠東明嘉靖間知縣傅延耆修今廢

同上

教諭宅在敬一亭東

縣志 舊志 作射圃亭東

訓導宅在教諭宅西

畿輔通志

學額科歲試各取文章十八名歲試取武童十五名廩

膳生二十名增廣生二十名二年一貢

學冊

學田共地一頃八十九畝七分八釐零

縣冊

經正書院在城西街本名信成書院道光十八年知縣

曹笏重修易今名

內有錢五千緡發商生息地二頃四十二畝以所得租息作為延請山長

生童膏獎等費

縣志

盧公書院在辛集康熙十六年生員霍拱辰鄉民張文

德等公建今廢

同上

義學在連家集同治初年文生崔純儒創修額曰春暉

義塾內有經正書院撥入官地一頃二十五畝以所得租息作為延師束修及歲修等費 同上

案通志大寨村謝爐集連冢屯寶家塢等村有康熙

五十四年設立義學又舊志城西街有雍正十三年

知縣金昌世設立義學據縣志今俱廢

社學在南關外明萬曆七年知縣向日紅建久廢縣志

磁州

文廟在州治東中為大成殿五楹東西廡各二十二楹

前戟門又前櫺星門門外洋池左右二翼門前南北二

坊外東西二坊舊志舊在州治東北明洪武五年知州周

敏移建今地永樂間知州張士迥正統間知州謝釗成

化間知州顧正原作天順據職官表改正張夢輔各修正德間知州

張珂嘉靖間知州栗永爵據張堃記增補萬曆間知州張夢麟

增葺

國朝康熙十二年知州趙纘據張榕端記補二十一年知州任塾

二十六年知州朱廷相三十七年知州蔣擢五十七年

知州沈元鼎嘉慶十三年知州博爾多相繼重修輔通識

志兼舊志 明崔銑記略夫可已而作之者厲民者也
可作而已之者迷民者也善乎張侯之修學也監司汪
子命為之是故舊可仍者吾亡增焉新所缺而圯者吾
亡襲而不舉焉舊圯而新之者為堂二日明倫日饌為
齋三日進德日時習日日新為亭一日射圃舊缺而作
之者為神廚為號房百有二十楹為祠者一日鄉賢磁
困於蕪政久矣張侯至而大化行修學其一端云梅
友實記略天下之治係人才人才之成係學校學校之

興係良有司嗚呼世之為良有司亦難矣張大夫下車甫期月即加意庠序周視學舍如殿堂齋居神庖庫廩以至戟門壁水圯者缺者剝落漫漶者一一鳩才量工修葺而更新之不輕役一卒不妄費一文悉捐已俸上不知下不勞而工告成州人士莫不欣欣相告也學博士杜君文煜聞君訥徵余言以記余不文且非載筆姑記歲月為他日傳循吏者品隲焉國朝任塾記略辛酉秋余量移滏陽道過燕臺數晤太史公張子大先生言不及其家事惟州庠用倦倦焉余莅任瞻拜之餘見殿堂而外無復鉅觀按圖而索之問宗師坊則指荒煙蔓草者是問泮池櫺星門則指枳棘之叢者是於是進諸士大夫而詢曰滏陽自趙周臣以文章為金人師人才遂甲於鄴下而學宮數堵聽其彫敝若此其謂之何乃捐貲為倡諸士大夫和之因而與情樂輸雲蒸雷動材且積於庭粟且盈於倉工且備於室一甍一椽不以毫髮累閭里王戊仲春經始不期年而告竣巍峩壯麗廓然大觀太史公聞之喜爰致書命予為之記余何功之有不過藉手以告無罪已耳因述其崖略以為多士勗余何功之有焉張榕端記略磁學舊制規模宏敞前州守趙公憲清任公鶴峯相繼修葺載在郡乘今

幾二十年風雨飄搖傾圮日甚歲戊寅春為州守蔣公莅任之三年治行化洽百度聿新朔望展謁之餘不勝怒焉增慨爰庀材鳩工若者朽泐宜易若者殘闕宜補若者漶漫宜堊飾若者卑庫宜崇閣委寮佐董其役自大殿兩廡而外門池坊表庖廩庫鄉賢名宦二祠凡居殿之前者罔不飭矣自殿而後次堂次齋次閣次學署咸釐然備舉自殿而左啟聖祠修矣而文昌祠並麗焉程宗祠重建矣而程井創亭焉始於仲春訖於季夏凡五閱月而落成是舉也不藉諸民力不隳紳士亦不捐諸公帑而獨捐清俸以告成功磁人士謀紀其事於石相與徵記余聞之不禁引手加額而歎賢司牧之振興風化為已至矣張堃記略磁州聖廟舊在城中東偏明洪武五年州牧周公敏移儒學置今所嘉靖中州牧栗公永爵置泮池於櫺星門外國朝康熙二十一年州牧任公塾三十七年蔣公擢重加修造今百餘年矣歲月歷遷彫敝日甚嘉慶十三年長白博公知磁州事甫下車見學舍傾圮亟欲鼎新迺先捐俸銀三百金以為闔邑倡而紳士商民亦皆踴躍樂輸董事者復多廉幹之士鳩工庀材協力勸贊州長復時督率之越一年告成其本有而全易者先師殿五間名宦鄉

賢祠五間尊經閣三間明倫堂五間廟西忠義祠一所
其已缺而修葺者兩廡各二十一間其本有而增加者
梓潼宮三間後殿三間其全圯而修復者櫺星戟門各
三間崇聖祠三間德配天地坊三間東西兩翼門各一
間大照壁一座聖域賢關坊各一間騰蛟起鳳坊各三
間程宗祠三間讀書亭三間東偏射圃一所南面文昌
閣一所祭器樂器庫各一間水涇而重濬者徑旁泮池
石失而更立者池上橋欄又大門外青雲路久為民居
侵佔共議開通不使壅塞此工程之大略也今殿內文
甄花城殿外平臺石欄臺前甬道敞如也門外圍橋朗
如也其他垣墉戶牖黜堊丹漆靡不工整信哉宗廟美
百官富萬仞宮牆言言訖訖非知先務而能若是乎州
之人衣縫掖而習誦絃者宜何如
鼓舞振興而後能仰承德意也

崇聖祠在大成殿東順治八年知州沈秉公改建康熙

間知州趙纘蔣擢增修州志嘉慶間知州博爾多重修續州志

名宦祠在戟門左知州任塾博爾多各重修同上

鄉賢祠在戟門右明正德間知州張珂建據崔統記補

國朝知州任塾蔣擢博爾多各重修州志

明倫堂在大成殿後堂前東西四齋舊志明正德十一年

知州張珂建畿輔通志

國朝康熙間知州趙纘修州志後知州蔣擢博爾多各重修

續州志

敬一亭在明倫堂西舊在堂東明萬曆十二年知州張

夢麟移建今地立程子四箴碑於內舊志

尊經閣在明倫堂後舊為文會堂明嘉靖三十五年知

州劉峻改建

國朝雍正九年知州萬承勳修

舊志後知州任塾蔣擢相繼

修葺知州博爾多重修

續州志明萬浩記磁州儒學舊無尊經閣今年春明倫

堂後文會堂災越月太守劉君入觀既歸闔學師生暨鄉之搢紳相與議曰尊經有閣制也先是正德初有欲以堂基建閣者卒不果行茲堂毀數若有待僉謀之劉君劉君曰予志也遂卜四月二十八日始事八月十六日厥工告成基較舊培起四尺閣崇三丈七尺廣視崇減尺深減一丈壁宇周固足容文會上鋪以板俟貯經籍櫺牖四設通風日便覽眺焉予使藩過磁孔君輩謀立石銘遠率諸士請記於予予也史氏記言迺職矧茲盛美故為之記

射圃亭在大成殿東明正德間知州張珂修

據崔銑記補

國朝知州任塾重建知州蔣擢修

州志後廢知州博爾多復

建

見張堃記

案州志舊有神廚在儒學門內迤西宰牲所在神廚

南齋宿所在尊經閣右及饌堂號舍今俱廢

學正宅在明倫堂西

舊志知州蔣擢修

訓導宅在明倫堂東知州蔣擢修

同上

學額科歲試各取文章十八名歲試取武童十五名廩

膳生三十名增廣生三十名三年二貢

學冊

學田共地四頃一十五畝四分

明嘉靖時州人許一貫輸地一頃六十八畝八

分萬曆八年知州趙範捐廉置地二百五十餘畝

州志

滏陽書院舊名二程書院在學宮東嘉慶十三年知州

博爾多建後知州何道榜王殿傑施溥先後籌捐經費

道光十三年知州盧蘭馨重修並勸捐貲咸豐元年知

州陳政典更今名同治十年知州程光滢復籌添經費

續州志 博爾多記略余以樗庸承乏來守是邑彈力
矢公百廢頗舉訪所謂諸生講學之所蕩然已久乃於
修葺學宮甫畢而以其餘力及之捐俸以為之率從九
品張世功施地基一所瓦屋三楹由是州人士翕然鼓
舞鳩工庀材陶積於濱匠積於肆爰哀集木石甌甃之
屬詎吉創之盛其形勢若者為師席若者為生齋若者
宜爽塏若者宜深邃綜理周密措置分明操畚運斤不
日而落成俾諸生讀書其中無耳目之紛則心定而業
專此固人文樂育之所關非僅宏闊飾觀瞻已也遂書
修建日月以垂久遠 盧蘭馨記略磁邑書院在巽宮
之左前任博公創建以程氏二夫子嘗讀書於是邦也
顏曰二程用誌景仰嗣靈石何公涇陽王公歷城施公
迭為勸捐得制錢三千九百貫權子母以濟院需迨地
震告災沈沈牧盡貸存本給公用遂令往昔良規一旦烏

有而書院幾廢余於道光十三年來蒞茲土講堂諸舍
賴前刺史楊君之集貲興復惟地脈未靜牆垣宋桷間
復摧隤余乃借撥他款以畢治之而仍課士其中第數
載以來捐廉試辦胡可持久質以始覆而有基力以眾
擊而易舉己亥夏余首出俸金倡立捐籍屬諸紳士廣
為勸輸閱數月按籍而稽哀然有制錢四千九百餘貫
既劃歸借撥款遂以四千九百貫之券發交鹽當各商
分領生息己乃由郡而省申告大府備立文卷永杜將
來覬覦書院舊有地一項餘影射者越訟肆奪藉圖
侵漁額於郡清而後出之得仍歸於院今而後書院乃復
有經費矣爰告司事量歲入之數以為出詳議章程明
定規約毋苛毋縱毋儉毋奢則核所不足者亦僅焉是
舉也凡與有勞者暨捐輸人數例得備書 馬宗周記
略刺史小韓程公蜀人也同治辛未以報最中格來治
磁下車伊始知書院為先務壹志注之謂士多寒峻薪
水膏火所需非豐贍厚給則心牽內顧而力必不專即
英才無自而出隨捐廉為倡州人之殷實仗爽者亦觀
感踴躍而從之晦朔甫周集京錢三千六百貫又州南
聖子村舊有書院地三十五畝歲久寢失公抵任後知
其情偽亟時判復仍按畝收租俾資膏火夫公既念舊

款支絀不足以贍磁人士乃未滿歲而附益若此吾知良法美意更有以善其後者矣

義學一在崔府君廟一在皮場廟一在城隍廟一在南

關財神廟俱光緒八年知州張寶善立

州册

案州志康熙時知州蔣擢城鄉葦鼓義學十四處乾

隆志僅存程宗祠務本鋪興禮鋪王家店車騎關臺

城鋪彭城鎮七義學州册未錄蓋已廢也

社學在儒學西明正德十六年知州張珂立久廢

州志

